


命十方無邊際
 過亦是在者知來
 行有當知人具得於
 於公比中不起想作
 知本清淨言氣香動
 身難得法難聞而復
 而為印證法難聞而
 法難得法難聞而復
 法難得法難聞而復

此印證法難聞而復
 法難得法難聞而復

C40
 4514
 166



240-4514



B 64853

大乘寶要義論卷第一

第二同卷

宋西天三藏朝散大夫試鴻臚少卿傳梵大師法護等奉詔譯

歸命十方無邊際

所住一切世界中

過未現在諸如來

菩薩聲聞緣覺等

智者當知人身難得於剎那間成諸勝行亦復為難
若於此中不起思惟作利益事此生虛來云何能於
如來清淨言教發勤勇心領納聽受此有二事謂人
身難得正法難聞值佛出世復甚為難問此中以何
而為印證值佛甚難答無數經中皆作是說斯為定
量且依妙法蓮華經云佛言諸苾芻如來應供正等

論

大乘寶要義論卷第一

一

卷六

正覺經於百千俱胝那庾多劫如是等曠遠世時或有或無如來出世斯爲甚難如優曇華時一現爾決定王經云佛言阿難諸佛出世彼優曇華俱時而現其華如金有淨妙光開敷異香徧由旬內是華光明能破冥暗能令念者卽得清淨能息病苦能作明照能去惡香能施妙香彼香能息四界增損其華亦非隨轉輪王徧處皆出唯金輪王乃可應現況復破戒諸有情類唯佛出世是華俱出此中云何能知彼優曇華於曠遠時或有或無如有緣起中說無熱惱大池北面有山名五峯而彼山上有優曇華林若佛世

尊從兜率天宮沒降生人間入母胎時彼優曇華而方含藥若佛世尊出母胎時是華增長有開敷相若佛世尊成阿耨多羅三藐三菩提果時彼優曇華開敷茂盛若佛世尊棄捨壽命及緣行時是華萎瘁若佛世尊入涅槃時是華枝葉及以華果皆悉凋落其華分量大若車輪覺智方廣經云大名稱仙王謂諸仙衆言諸仁者若菩薩暫時得值如來出世說法化利是卽相應華嚴經云於俱胝劫中值佛出世聽受正法尊重信奉此真實見甚爲難得賢劫經云此賢劫後六十五劫無佛出世其後有劫號大名稱彼一

劫中有十千佛出現於世大名稱劫後八十千劫無
佛出世其後有劫號曰星喻彼一劫中有八十千佛
出現於世星喻劫後經三百劫無佛出世其後有劫
名功德莊嚴彼一劫中有八萬四千佛出現於世此
中問言云何能知人身難得答諸契經中皆作是說
如雜阿含經云佛言諸苾芻譬如大地流水充滿有
人取木開一孔穴置於水中是木輕浮隨風飄流東
風西向西風東向南北所吹亦復如是有一眼龜居
其水內壽命無數百歲凡經百歲自水一浮投木孔
中諸苾芻於汝意云何彼一眼龜如是壽極長遠百

歲一浮可能得值浮木孔耶諸苾芻言不也世尊佛
言諸苾芻值佛出世說法化度覺了正道得至涅槃
亦復如是斯極爲難或得人身時分具足又復爲難
此中問言云何能知時分具足而難得耶答諸契經
中作如是說如增一阿含經云佛言諸苾芻有八種
難不知時人不應修梵行何等爲八若佛出世時宣
說法要化度有情使至涅槃而一類有情在地獄中
此爲第一修梵行者時分之難若佛出世時宣說法
要化度有情使至涅槃而一類有情在畜生中此爲
第二修梵行者時分之難若佛出世時宣說法要化

度有情使至涅槃而一類有情在餓鬼中此爲第三
修梵行者時分之難佛出世時宣說法要化度有情
使至涅槃而一類有情在長壽天此爲第四修梵行
者時分之難若佛出世時宣說法要化度有情使至
涅槃而一類有情在於邊惡害之處此爲第五修
梵行者時分之難若佛出世時宣說法要化度有情
使至涅槃而一類有情雖生中國或聾或瘡根不完
具善說惡說不知其義此爲第六修梵行者時分之
難若佛出世時宣說法要化度有情使至涅槃而一
類有情生於中國不聾不瘡六根完具善說惡說而

悉能知然起邪見顛倒計執謂無施無利亦無事火
無善作惡作諸業果報無此世無他世無父無母無
世間沙門婆羅門無正趣正道無阿羅漢智解於此
世他世以自通力而證聖果此爲第七修梵行者時
分之難或復一類有情生於中國不聾不瘡六根完
具善說惡說而悉能知又復正見無顛倒計執謂有
施有利乃至有阿羅漢取證聖果然佛不出世不說
法要此爲第八修梵行者時分之難諸苾芻當知有
一種時分和合應修梵行謂佛出世宣說法要初善
中善後善文義深遠純一無雜具足清白梵行之相

而一類有情生於中國不聾不瘡六根完具善說惡說而悉能知正見具足不起顛倒計執謂有施有利亦有事火有善作惡作諸業果報有此世有他世有父有母有世間沙門婆羅門有正趣正道有阿羅漢智解於此世他世以自通力而證聖果是爲一種時分和合大集經月藏品云諸仁者時分和合如應時香樹極爲難得

此中應問彼作是說得人身者云何能得清淨平等清淨所說答有十種功德若能圓滿彼得人身清淨平等何等爲十如超越下族經云一者若善男子善

女人內發菩提心已卽生淨信二者廣多清淨欲見聖賢三者樂聞正法四者不生慳嫉普行六施五者端身繫念樂涅槃道六者以無礙心善心廣施七者信有諸業及諸業報八者不起分別九者無求無疑亦無滌慧十者不壞善惡業果如是十種若了知已於此命緣諸惡莫作此中應問何名爲信答信者謂順向聖賢諸惡莫作如破染慧經云諸善法中信爲先導是中信者何義謂信順義此能具足如來無障礙智而能宣說難見難知甚深正法永斷愛纏謂無眼無眼滅無耳鼻舌身意無耳鼻舌身意滅無住非

無住無意樂非無意樂具六十種音聲文句次第語業清淨潔白其身極淨其心現種種色相而佛如來無所不知無所不見無不成證無不覺了如來以清淨眼及如來普眼永斷過失遠離貪愛破諸癡暝過於肉眼而能觀照甚深頂相宣說無上第一義諦一切佛法雖復分別如是佛法而不謗緣起此名爲信心力入印法門經云佛言妙吉祥何名信心力謂於一切佛法現前印順信解無疑亦無異求決定實信業及業報信心無雜於空無相無願所作諸行及一切法皆生淨信謂布施有布施果持戒持戒果忍辱忍

辱果精進精進果禪定禪定果智慧智慧果彼如是說是清淨相於大乘勝解中能生淨信此說名爲信心力若後覺了諸著是名信根若根若力總說名信又復此中何名信心力信謂印順能信他聲云何修菩薩者信他聲耶所謂聞他教示發菩提心修菩薩行菩薩依止波羅蜜多善巧方便及四攝法一切佛法菩薩法等聲從他聞已極生淨信此說名爲信心力菩薩藏經云佛言舍利子此修菩薩行者內發菩提心已卽生淨信廣多清淨欲見聖賢樂聞正法決定信有諸業及業果報斷十不善業修十善業信有沙門婆

羅門及正趣正道而復多聞所聞相應心意和合超
越疑惑不受後有於諸佛菩薩及聲聞等真善知識
常所親近起愛重心信彼善知識所說諸業及業果
報知其器已如應爲說甚深言論謂空無相無願無
行無生無起之論無我無人無有情無壽者之論及
緣生論是諸言論聞已無疑亦復無執隨入一切法
蘊處界等悉應無著信一切法自性皆空以佛智推
求純一不放棄何名不放棄謂若諸根起散亂時應
自心調伏他心隨護月光菩薩經云若諸有情於三
寶中起淨信心而實難得譬彼如意珠寶求得亦難

入如來功德智不思議境界經云聖除蓋障菩薩白
妙吉祥菩薩言有五種法諸菩薩摩訶薩當生勝解
若此若彼阿僧祇最勝功德而悉獲得何等爲五
者一切法空二者一切法無對治三者一切法無生
四者一切法無滅五者一切法不可記說如是五種
當生勝解如閻浮提地過微塵等數諸威儀道及作
用處如來悉無發悟亦無分別然隨衆生心意若時
非時一切常轉諸菩薩摩訶薩於此當生勝解星賀
騷那你緣起經云世尊釋迦牟尼如來爲化度有情
作利益故於苑伽沙數劫中歷修諸行現成正覺諸

菩薩摩訶薩於此應生信解又世尊釋迦牟尼如來
於燃燈佛所得受記別於其中間歷修勝行徧入諸
佛境界經無邊際劫乃至於今現成正覺於此應生
信解又世尊釋迦牟尼如來見殺釋種因緣爲化度
有情作利益故經無邊際劫歷修勝行現成正覺於
此應生信解是故當知一切有情若發菩提心此爲
難得

問發菩提心實爲難得此復云何得發起耶答多有
經說且依華嚴經云世間有情若發阿耨多羅三藐
三菩提心實爲難得當知菩提心如世間種子以世
間一切善法悉種植故如一切佛法境界一切惡作
能盡燒故猶如劫火一切不善法能銷壞故猶如大
地一切義能成就故如摩尼寶王一切意樂悉圓滿
故猶如賢瓶拔出生死流故如勝鉤餌一切世間天
人阿脩羅乃至一切佛法一切佛功德皆悉稱讚彼
菩提心功德故如佛塔廟何以故此中具有諸菩薩
行勝境界故又復此菩提心出生過去未來現在一
切諸佛善男子譬如有藥名鐵金光是藥一兩能化
鐵千兩悉使成金非彼千兩鐵而能壞此一兩聖藥
發菩提心者亦復如是若能一發一切智心微妙聖

藥善根迴向智所攝受能令一切業煩惱障悉成一切法一切智金非彼一切業煩惱障而能染汙一切智心善男子又如乘一燈炬入於暗室隨入空中彼百千年積集暗暝皆悉破滅洞然明照發菩提心亦復如是乘一切智心大光明炬入於有情心意暗室隨入其中彼不可說百千劫已來積集一切業煩惱障無明黑暗皆悉銷除以大智光出生明照善男子又如大龍王頂大如意妙寶王冠不爲他怨敢來侵怖諸菩薩摩訶薩亦復如是頂菩提心及大悲心妙寶王冠不爲一切惡趣諸惡敢來侵怖又如日月淨

圓光中極所照曜是中應現所有一切金銀珍寶華鬘衣服勝妙樂具總集彼等一切所有皆不能與如意寶王等其價直發菩提心亦復如是極盡三世一切智智法界道場隨所照曜是中應現一切有情一切天人及彼一切聲聞緣覺若有漏若無漏一切善根皆不能與發菩提心自在寶王等其價直又如牛羊之乳滿大海中若師子乳足跡之滴墮海中時牛羊諸乳不能凝結亦不和合菩提心亦復如是不可說百千劫積集諸業煩惱其猶大海如來大丈夫師子發一切智心一滴之乳墮海中時諸業煩惱永盡

無餘所有一切聲聞緣覺解脫亦不和合又如親近
勇猛之人一切怨惡不能侵害發菩提心者亦復如
是若親近勇猛菩薩一切惡作之怨不能侵害又如
殘缺金剛之寶雖有所損於衆寶中亦復最勝而能
出過諸莊嚴具彼金剛寶名亦不殞滅普能拯濟諸
有貧乏少分菩提心亦復如是其猶殘缺金剛之寶
雖未圓具而亦出過一切聲聞緣覺功德莊嚴彼菩
薩名亦不殞滅能濟貧乏無聖財者勝軍王問經云
佛言大王善哉善哉汝能於佛法中愛樂希求如汝
大王現今治化憍薩羅國利益安樂一切人民救拔

濟度安慰接引使歸正道而汝若能廣利一切有情
令發一切智心圓滿一切佛法趣證阿耨多羅三藐
三菩提道斯復大利又復大王彼祇陀林常有無數
百千聖賢隱居其中生尊重想大王彼諸聖賢於正
等覺有所樂欲有信有求有願有稱讚生隨喜心是
諸聖賢若身語意極生信重何以故大王而彼地方
有無數百佛出現無數百轉法輪無數百聖衆相續
得度如是乃至無數百千俱胝那庾多宛伽沙數諸
佛出現轉正法輪化度聖衆如是彼諸聖賢皆悉發
生菩提樂欲信求願等

大乘寶要義論卷第一

大乘寶要義論卷第一

宋西天三藏朝散大夫試鴻臚少卿傳梵大師法護等奉詔譯

阿闍世王經云尊者大迦葉白妙吉祥菩薩言譬如
初生師子隨生卽有力勢凡所向詣或有群鹿纔聞
師子之香皆悉奔竄設使大力龍象若聞師子香特

逼惱驚怖掣拽鎖縛鎖縛斷已奔馳四向山巖地穴
徧求隱匿水族飛禽聞師子香亦悉驚怖妙吉祥若
諸菩薩具慧力者亦復如是彼初發心菩薩纔發大
菩提心卽能勝過一切聲聞緣覺魔宮震動一切天
魔咸生恐懼以恐懼故而悉不能安止其宮寶積經
云佛言阿難於汝意云何譬若有人雙斷手足能活
命不阿難答言手足雖斷其命尚活佛言阿難若或
有人剖裂其心是人能活命不阿難答言不也世尊
佛言阿難汝應當知我之弟子大目乾連及舍利子
猶如手足而諸菩薩其猶我心阿難若有菩薩御大

寶車以五欲功德作神通遊戲而無有人爲其駕御
如來爾時爲彼菩薩力御其車以進前道若舍利子
及目乾連修三解脫門若經一劫若過一劫如來不
復與其勤力而爲策進父子合集經云諸苾芻所有
旃伽沙數等諸如來於旃伽沙數等劫中稱讚彼發
一切智相應心者諸功德藏說不能盡何以故如來
往昔修菩薩行曾無暫時不發是心一切有情悉皆
攝受隨攝受已於諸有情亦復不起所化度想所有
無量諸有情界如來徧是有情界中歷修菩薩廣大
勝行一一發心集諸福蘊所以者何諸苾芻有情界

無盡以有情界無盡故如來廣修菩薩勝行一一發
心集諸福蘊亦復無盡如來祕密經云若諸菩薩發
菩提心修勝行者令三寶種不斷不絕又云菩薩菩
提心所生福蘊悉用迴向一切有情如是迴向功德
滿虛空界而復過上彼一切有情福蘊所攝悉由菩
薩菩提心轉法集經云菩薩發菩提心覺悟一切法
知一切法與法界等而一切法無所從來及無所止
亦不可知然以如量智知法性空令一切有情亦如
是覺了菩薩若如是發心此說是爲菩薩菩提心利
樂一切有情心無上心大慈柔軟心大悲無倦心大

喜不退心大捨無垢心空無異作心無相寂靜心無願無住心

此中應問云何以少善根迴向一切智乃至坐菩提場於其中間而不盡耶答如無盡意經云佛告尊者舍利子言譬如一滴水入大海中乃至窮劫於其中間而不能盡菩薩以少善根迴向一切智亦復如是乃至坐菩提場於其中間亦不能盡善巧方便經云或有菩薩見貧窮者起悲愍心施以少飯如佛所說此心廣大名最上施何況諸所施法其施雖少而一切智心功德無量賢劫經云星王如來於聲授如來

所初發菩提心彼星王如來昔爲牧牛人以未俱羅華供施因緣從是發心名稱如來於電光如來所初發菩提心彼名稱如來昔爲織師以妙氎邊縷供施因緣從是發心明燄如來於無邊光如來所初發菩提心彼明燄如來昔爲守城人以一草燈供施因緣從是發心難勝如來於堅固步如來所初發菩提心彼難勝如來昔爲樵人以齒木供施因緣從是發心功德幢如來於妙稱如來所初發菩提心彼功德幢如來昔爲汲水人以盛水器供施因緣從是發心力軍如來於大譬如來所初發菩提心彼力軍如來昔

爲醫王以一菴摩勒果供施因緣從是發心寶積經云若或有人爲求阿羅漢果故以摩尼寶充滿無邊世界而行布施有菩薩乘人見已發一切智相應隨喜心而此相應隨喜所有福蘊比前布施福蘊百分不及一乃至烏波尼殺曇分亦不及一

問云何菩薩而能勝出彼前布施答以迴向一切智故如般若波羅蜜多經云佛言舍利子菩薩摩訶薩若欲勝出一切聲聞緣覺所修布施持戒忍辱精進禪定智慧者應當一發一切智相應隨喜心修學般若波羅蜜多以大悲心而爲先導而諸菩薩然後發

菩提心是故當知大菩提心者大悲爲先導此何能知耶如菩薩藏經云若諸菩薩欲求菩提應以大悲而爲先導譬如士夫所有命根以出入息而爲先導諸菩薩摩訶薩亦復如是於所集大乘法中以大悲心而爲先導又如轉輪聖王於諸寶中以其輪寶而爲先導菩薩摩訶薩亦復如是於一切佛法中以大悲心而爲先導又云諸菩薩於已過失常行伺察於他過失悲心護念無畏授所問大乘經云佛言長者若諸菩薩爲欲成就大菩提者當於一切有情起大悲心於自身命不生愛著乃至一切財穀舍宅妻子

飲食衣服乘輿牀座香華塗香等一切樂具悉不應
著何以故長者多諸有情於身命等皆生愛著以愛
著故廣造罪業墮惡趣中若復有情起大悲已於身
命等不生愛著以不著故生於善趣復能於彼一切
有情運心廣行布施等行一切善法相應而作修菩
薩者以大悲心而成其身此云何知如寶雲經云佛
言善男子若諸菩薩具十法者是爲大悲所成其身
何等爲十一者見一切有情爲苦逼迫無救無依無
歸趣者見已應發大菩提心爲作依怙二者發菩提
心已令彼有情得法成就三者隨所得法爲諸有情

作大利益四者慳吝有情令住布施五者若毀禁戒
令修淨戒六者若多忿恚令住忍辱七者若多懈怠
令發精進八者若多散亂令修靜慮九者諸無智慧
令得勝慧十者一切有情極苦所逼菩薩普爲息除
令於菩提不爲障難如是名爲十法總持自在王問
經云菩薩或見一類有情貪愛所纏於自妻子眷屬
而生耽染以愛纏故不得自在菩薩如應爲說法要
令解愛纏使得自在菩薩爲諸有情起大悲心故或
見一類有情起忿恚心互相違損生多過失菩薩如
應爲說法要使得令斷除忿恚過失菩薩爲諸有情起

大悲心故或見一類有情爲惡友攝故遠離善友常造罪業菩薩如應爲說法要使令常得親近善友遠離惡友菩薩爲諸有情起大悲心故或見一類有情最極貪愛不知厭足遠離勝慧菩薩如應爲說法要令斷貪愛發生勝慧菩薩爲諸有情起大悲心故或見一類有情謂無業報執斷執常菩薩如應爲說法要令入甚深緣起知諸業行菩薩爲諸有情起大悲心故或見一類有情以其無明癡暗所覆取著我人有情壽者菩薩如應爲說法要使令慧眼清淨斷諸見執菩薩爲諸有情起大悲心故或見一類有情耽

味生死執著五蘊如殺害者菩薩如應爲說法要使令出離一切三界菩薩爲諸有情起大悲心故或見一類有情爲彼魔索之所纏縛若愛若惡皆生住著菩薩如應爲說法要使令解脫魔索纏縛斷除愛惡所住著心菩薩爲諸有情起大悲心故或見一類有情扇涅槃門關惡趣戶菩薩如應爲說法要使令彼等關涅槃門扇惡趣戶菩薩爲諸有情起大悲心故發菩提心若於菩薩忍法有毀謗者彼生欺慢心於法障難欲令菩薩遠離忍法菩薩當知是魔事起信力入印法門經云佛言妙吉祥假使有人於一切世

界極微塵等一切有情所有善根悉爲障難若復於
一優婆塞無異師尊具修十善業者彼少善根而爲
障難如是之罪倍勝於前阿僧祇數假使有人於極
微塵等一切世界諸優婆塞所有善根悉爲障難若
復有人於一苾芻所彼少善根而爲障難如是之罪
倍勝於前阿僧祇數如是次第若於隨信行人隨法
行人須陀洹斯陀舍阿那舍阿羅漢八人地及緣覺
人羊車行菩薩人象車行菩薩人日月神通行菩薩
人聲聞神通行菩薩人等若或有人於是極微塵等
一切世界諸聲聞神通行菩薩人所諸有善根悉爲

障難若復有人於一如來神通行菩薩所彼一善根
而爲障難起欺慢心生忿恚者如是之罪倍勝於前
阿僧祇數假使有人於十方一切世界極微塵等一
切有情挑取其眼而復劫奪一切所有資生財物若
復有人於一菩薩所起欺慢心而生忿恚罵辱毀告
加復觸燒如是之罪倍勝於前阿僧祇數若或有人
於菩薩所隨以何緣起欺慢心生忿恚者由是罪業
墮大號叫地獄身量五百由旬有五百頭其一頭
有五百舌而一一舌有五百犁以耕其舌有大熾燄
假使有人於三千大千世界一切有情所皆以刀杖

而打斫之加復侵奪所有一切資生財物若復有人於菩薩所起欺慢心而生忿恚及懷損惱如是之罪倍勝於前阿僧祇數假使有人發極惡心一切有情不利益心於死伽沙數等世界一一世界中有死伽沙數諸阿羅漢而悉殺害復以死伽沙數等諸佛塔廟諸寶所成及寶欄楯豎立幢幡殊妙嚴飾皆悉破壞若復有人於信解大乘菩薩所同植大乘種已隨以何緣起欺慢心而生忿恚罵辱毀訾加復觸燒如是之罪倍勝於前阿僧祇數何以故以菩薩能生諸如來故使令佛種不斷絕故若有毀謗菩薩者是卽

毀謗正法若毀謗菩薩者彼無別法可攝受故唯菩薩法而能攝受假使有人於十方一切世界諸有情所悉生忿恚若復有人於菩薩所生忿恚已捨而背之不樂瞻視如是之罪倍勝於前阿僧祇數假使有人於閻浮提一切有情而悉殺害加復侵奪一切所有若復有人隨於一菩薩所而生毀謗如是之罪倍勝於前阿僧祇數慈氏師子吼經云若菩薩於滿三千大千世界一切有情所悉生忿恚罵辱捶打而彼菩薩亦復不爲壞失損惱若此菩薩或於一菩薩所一起忿恚心雖極少分而此菩薩是爲陷失損惱何

以故彼一菩薩經爾所劫被忍辱鎧常不捨離一切
智心是故此菩薩不應於彼暫生忿恚妙吉祥神通
遊戲經云佛言妙吉祥汝今當知諸言損害者謂百
劫中積修善根別別壞失此名損害修菩薩行者應
如是知若於佛世尊所作不饒益得大罪報作諸饒
益者獲大福蘊

大乘寶要義論卷第二

音釋

優曇

梵語具云優曇鉢羅花如累切 蘊盧東切耳

瘥

烏下切 慳秦悉切 鈎古侯切 殞于敏切 驤蘇遭切 窳奔博昆

切

也此云天堂來河 切古侯切 殞于敏切 驤蘇遭切 窳奔博昆

復

窳七亂 擗擗昌列切挽也 鎖鎖蘇果切 毳徒

布也

細毛 縷力圭切 皆蔣氏切 燒而沼切 捶打捶之

並擊也

鎧可亥切 觀觀視者如是應倍勝於前阿

浙江嘉興府楞嚴寺般若堂庚子年餘賞刻此
大乘寶要義論計字七千四百五十
銀四兩三錢二分五厘
順治十八年十月日徑山比丘徹微印開識

980 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

遊藏經云佛言妙吉祥汝今當知諸言善善者謂百
注華也 遊甲也 遊乙也 遊丙也 遊丁也 遊戊也 遊己也 遊庚也 遊辛也 遊壬也 遊癸也

遊藏經云佛言妙吉祥汝今當知諸言善善者謂百
遊藏經云佛言妙吉祥汝今當知諸言善善者謂百
遊藏經云佛言妙吉祥汝今當知諸言善善者謂百

遊藏經云佛言妙吉祥汝今當知諸言善善者謂百
遊藏經云佛言妙吉祥汝今當知諸言善善者謂百
遊藏經云佛言妙吉祥汝今當知諸言善善者謂百

大乘寶要義論卷第三

同卷四

宋西天三藏朝散大夫試鴻臚少卿傳梵大師法護等奉詔譯

入定不定印經云佛言妙吉祥假使有人於十方一
切世界一切有情悉挑其目至滿一劫若有善男子
善女人於彼如上諸有情所起慈愍心悉使其目平
復如故至滿一劫妙吉祥若復有人於信解大乘菩
薩所發清淨心暫一觀視者如是福蘊倍勝於前阿
僧祇數假使有人徧往十方一切有情諸牢獄中悉
爲解除牢獄繫縛而復令得轉輪聖王或帝釋天主
上妙快樂妙吉祥若復有人於信解大乘菩薩所發

論
大乘寶要義論卷第三
尾七

清淨心瞻仰讚歎如是福蘊倍勝於前阿僧祇數信
力入印法門經云佛言妙吉祥若有善男子善女人
於一切世界極微塵等諸有情所日日常以天百味
飲食及天妙衣於苑伽沙數等劫中普行布施若復
有人於一優婆塞無異師尊具修十善業者當起是
念此是學佛戒行人於一日中以一食施如是福蘊
倍勝於前阿僧祇數如是次第若一苾芻若隨信行
人若隨法行人乃至若緣覺倍倍供施若復有人但
見一畫佛形像或經夾中畫如來像者如是福蘊倍
勝於前阿僧祇數何況合掌尊重或以華香塗香燈

明淨心供養如是福蘊倍勝於前阿僧祇數復次若
有於苑伽沙數等諸佛世尊及聲聞衆日日常以天
百味飲食及天妙衣於苑伽沙數等劫中布施供養
若復有人於一羊車行菩薩人所隨於何佛種植善
根淨心具足者攝取是人於一日中以一食施如是
福蘊倍勝於前阿僧祇數若有人於一切世界極微
塵等諸羊車行菩薩人所日日常以天百味飲食及
天妙衣於苑伽沙數等劫中布施供養若復有人於
一象車行菩薩人所一日之中以一食施如是福蘊
倍勝於前阿僧祇數若有人於一切世界極微塵等

諸象車行菩薩人所日日常以天百味飲食及天妙衣於苑伽沙數等劫中布施供養若復有人於一月神通行菩薩人所一日之中以一食施如是福蘊倍勝於前阿僧祇數若有人於一切世界極微塵等諸日月神通行菩薩人所日日常以天百味飲食及天妙衣於苑伽沙數等劫中布施供養若復有人於一聲聞神通行菩薩人所一日之中以一食施如是福蘊倍勝於前阿僧祇數若有人於一切世界極微塵等諸聲聞神通行菩薩人所日日常以天百味飲食及天妙衣於苑伽沙數等劫中布施供養若復有

人於一如來神通行菩薩人所一日之中以一食施如是福蘊倍勝於前阿僧祇數此中應問何名羊車行菩薩人乃至如來神通行菩薩人耶答如人定不定印經云佛言妙吉祥菩薩有五種行所謂羊車行象車行日月神通行聲聞神通行如來神通行此中羊車行象車行二菩薩人於阿耨多羅三藐三菩提有所退轉其日月神通行聲聞神通行如來神通行三菩薩人於阿耨多羅三藐三菩提不復退轉彼羊車行菩薩人其復云何譬如有人欲過五佛刹微塵數世界乃自思念我當乘其羊車念已卽乘隨路而

去時極長久歷受勤苦行百由旬忽爲大風所吹退八十由旬妙吉祥於汝意云何是人乘彼羊車若經一劫乃至不可說不可說劫能過爾所世界或一世界不妙吉祥言不也世尊若能過者無有是處佛言妙吉祥如是或是或有菩薩先發大菩提心已後於大乘法中不持不誦返於聲聞法中愛樂修習同其稱讚受持讀誦解釋其義復令他人持習解了由是緣故智慧鈍劣於無上智道有所退轉是菩薩雖先修習大菩提心慧根慧眼以其智慧成鈍劣故有所壞失此名羊車行菩薩人何名象車行菩薩人譬如

有人欲過如前佛刹微塵數世界乃自思念我當乘其七支具足妙好象車念已卽乘隨路而去經千百年行二千由旬忽爲大風所吹退千由旬妙吉祥於汝意云何乃至是人能過一世界不妙吉祥言不也世尊若能過者無有是處佛言妙吉祥如是或是或有菩薩先發大菩提心已後於大乘法中不持不誦返於聲聞法中愛樂修習乃至持讀解了此名象車行菩薩人何名日月神通行菩薩人譬如有人欲過如前佛刹微塵數世界乃至其人作日月神通行隨路而去妙吉祥於汝意云何是人能過爾所世界不

論
大乘寶要卷第三
四
星七
妙吉祥白佛言世尊是人能過時極長久歷受勤苦
佛言妙吉祥如是或是或有菩薩先發大菩提心已
不於聲聞法中愛樂修習乃至一四句偈亦不持讀
唯於大乘法中愛樂讀誦解釋了此名日月神通
行菩薩人何名聲聞神通行菩薩人譬如有人欲過
如前佛利微塵數世界乃至其人作聲聞神通行隨
路而去妙吉祥於汝意云何是人能過爾所世界不
妙吉祥白佛言世尊是人能過佛言妙吉祥如是如
是或有菩薩發大菩提心已於大乘法中愛樂修習
而復於他修大乘者信解大乘者持誦大乘者攝受

大乘者諸菩薩所信奉歸向親近於彼希求大乘受
持讀誦乃至值遇失命因緣亦不暫時捨離大乘而
復於他修大乘者以香華等尊重供養於未學菩薩
亦不起慢心此名聲聞神通行菩薩人

何名如來神通行菩薩人譬如有人欲過如前佛利
微塵數世界乃至其人求佛神通行隨路而去妙吉
祥於汝意云何是人速能過爾所世界不妙吉祥白
佛言世尊是人一剎那間發是心時即能速過爾所
世界佛言妙吉祥如是或是或有菩薩發大菩提心
已乃至善解大乘最上甚深廣大義理常爲救度一

一切有情發大菩提心慈悲攝受於六波羅蜜多四攝法等發勤勇心已復令他人亦如是安住此名如來神通行菩薩人

此中應言若有毀謗正法者是卽於法作其障難斯極大罪如般若波羅蜜多經云或有修菩薩乘者雖曾得見百千俱胝那更多諸佛如來於諸佛所廣行布施乃至修習智慧而起有所得心雖往諸佛會中聽受宣說般若波羅蜜多不生尊重若身若心悉不清淨起染汗慧成大罪業卽於甚深般若波羅蜜多而生毀謗由謗此甚深般若波羅蜜多故是卽毀謗

過去未來現在諸佛世尊及佛一切智以是緣故是謂於法作大障難此業相續墮大地獄經俱胝那更多百千歲從一地獄出復入一地獄如是展轉數數成壞地獄出已復墮餓鬼及畜生趣舍利子白佛言世尊此障正法罪業相續當墮五無間地獄今可說是校量罪業爲不可說耶佛言止舍利子汝不應說復次諸修菩薩行者有多種魔事如般若波羅蜜多經云復次須菩提若有建立諸名字者菩薩當知是爲魔事若有魔來詣菩薩所作如是說汝此菩薩現成正覺建立是名菩薩爾時隨起伺察若住不退轉

相卽彼魔異不得其便若起解心謂我得記卽生慢
意於餘菩薩所乃起欺慢此是惡魔巧以方便欲令
菩薩遠離般若善友不攝惡友隨逐或墮聲聞地或
墮緣覺地起欺慢相應心者獲罪甚重過四根本菩
薩當知此爲魔事妙吉祥神通遊戲經云妙吉祥言
天子隨有事業成此皆是魔事若有所求若有所取
若有所捨皆是魔事若有所欲若有所像若有領納
若有計度皆是魔事又復天子若於菩提心有所取
著皆是魔事於布施持戒忍辱精進禪定智慧諸心
有所取著皆是魔事又施起慢心戒住分別忍王忿

恚精進戲諸禪定取相智慧作意此等皆是魔事若
起厭捨心樂居寂靜此是魔事若於少欲知足頭陀
功德起領解意此是魔事若行於空若行無相若行
無願若行無戲論若行遠離於如來言教所行起我
慢意有所分別皆是魔事天子乃至若有分別若無
分別見聞覺知想念生時皆是魔事天子問言妙吉
祥是諸魔事何因所起妙吉祥言天子諸魔事者皆
從增上相應所起何以故而諸魔事於增上相應法
中伺求其便若非相應勝法魔何所作天子言妙吉
祥何等是菩薩增上相應何等是不相應妙吉祥言

天子若二法相應是卽增上相應何以故以二法相應是爲世間和合依止此增上相應卽是正相應增語此正相應卽是不相應增語此不相應卽是無戲論增語此無戲論卽是正相應增語若相應若不相應是中建立是故天子無眼相應無色相應乃至無意相應無法相應此說名爲菩薩正相應復次天子當知諸菩薩有二十種法隨起魔事令魔勇悍何等二十一者於修解脫事業者於怖畏生死者於修相應勝行者方便親近承事供養此等皆是菩薩魔事二者若但觀空棄捨有情是菩薩魔事三者但觀無

爲於有爲善根而生懈怠是菩薩魔事四者雖起定意而不修定行是菩薩魔事五者說法者樂說聽者不起大悲是菩薩魔事六者於有戒有德人所求行布施於破戒人所而生毀謗是菩薩魔事七者樂說聲聞緣覺言論隱覆大乘言論是菩薩魔事八者隱覆甚深言論樂說種類言論是菩薩魔事九者雖知菩薩道而不求修波羅蜜多道是菩薩魔事十者以稱讚增上相應語言與不相應諸有情類而爲教示是菩薩魔事十一者雖種植善根而背菩提心是菩薩魔事十二者雖於相應觀行相續所行而不爲諸

有情如應教示是菩薩魔事十三者雖求盡彼無餘煩惱於生死相續煩惱厭棄是菩薩魔事十四者雖復伺察勝慧而不取大悲所緣之境是菩薩魔事十五者於一切善行若不具方便是菩薩魔事十六者雖復希求菩薩藏法而樂受持路伽耶陀外道典籍是菩薩魔事十七者雖復多聞於所聞法而常祕惜不令他知是菩薩魔事十八者雖復多聞以世間緣爲他說授貿取其財爲無義利是菩薩魔事十九者於住大乘諸法師所而不親近尊重其事返於住彼聲聞緣覺乘人非同分者同其稱讚是菩薩魔事二

十者若時菩薩恃有財寶威德富盛若天帝釋若梵王若護世若王及長者皆不親近尊重承事以威德富盛故是菩薩魔事此等是爲菩薩二十種法隨起魔事今魔勇悍海意經云若有菩薩具大名稱富盛自在種族高勝眷屬廣多具有福行由如是故而生懈怠不以智求相應勝行驕倨放逸或見菩薩出家圓滿常以智行求相應法捍勞忍苦大風大熱悉能甘受血肉銷瘦容貌醜惡而前菩薩如是見彼勝功能已生欺慢意彼有善說而不聽受而復增起驕倨癡慢此爲菩薩魔力鉤制又云有四種法能於大乘

而爲障難一者顯露已德二者隱覆他德三者我慢
熾盛四者忿恚堅固又諸菩薩勿應以發菩提心便
爲喜足然當廣修相應勝行

此中應問在家菩薩云何所行答如勇授長者問經
云佛言長者在家菩薩雖處其家常修正士所行諸
業非正士所行而實不作依法受用不以非法艱苦
希求正命自資不以邪命而活不惱他人自所得利
雖常受用起無常觀廣以實法而行布施大捨無悋
尊事父母於妻子奴婢及作事人乃至朋友知識常
以正法而相教示又復何等是在家菩薩不正所行

如出家障難經云佛告尊者大名言汝今當知諸生
盲者聾者瘖者及旃陀羅不知樂者多毀謗者諂曲
者不男者常爲僕使者轉女人身者駝驢豬狗乃至
毒蛇如是等類世生生於佛教中不生愛樂又復
大名在家菩薩若有四種法者是爲難事一者於先
佛所曾種善根諸有情類及求出離心者樂聖道心
者於彼若作障難此爲在家菩薩第一難事二者貪
著財寶子息眷屬不信業報若男若女若妻子等諸
親眷屬於富貴中捨欲出家者若於彼等作障難者
此爲在家菩薩第二難事三者在家菩薩毀謗正法

未聞之法雖復聽受聞已不信返生毀謗此爲在家
菩薩第三難事四者於具戒德沙門婆羅門所起損
害心及多種過失心此爲在家菩薩第四難事如是
四種及別別起諸障難法皆是在家菩薩乃至世
所生而爲難事如有一人墮穢汗井乃謂餘人言快
哉此井有清潔水餘人聞已於穢水中起清水想不
以穢汗爲不清淨諸染欲有情亦復如是自染欲泥
而復教令他人亦染自歟惡香教他亦然自墮貪瞋
癡等諸險難處而復教令他人亦墮又如有人獲其
怨對棄擲火坑是火猛燄高七人量無薪無烟諸染

欲者亦復如是親近女人讚說欲事墮欲火坑而復
教令他人亦墮使彼墮已病苦憂惱常所侵逼又如
一人教令餘人登刀鋒山受其快樂而復謂言是山
平坦無復熾險可登其山受於快樂世間父母愛戀
子息亦復如是以愛子故於欲染事隨生取著而欲
染法其實大惡猶如毒蛇是人染心於彼妻前返以
美言讚說欲事彼三惡趣極大險怖亦以美言返爲
善說作是說者當墮地獄餓鬼畜生道中

大乘寶要義論卷第三

大乘寶要義論卷第四

宋西天三藏朝散大夫試鴻臚少卿傳梵大師法護等奉詔譯

如日子王所問經云佛言大王彼捺欲人愛著欲事樂見女人行捺欲法不樂親近具戒沙門及婆羅門爲彼有戒德者而共嫌厭滅失所有信戒聞捨慧等法彼穢惡門惡氣充盈不淨流溢故起耽捺不生厭棄處其穢惡與蛆蟲等非所依著遠離慙愧天人法滅殘毀身命智者呵厭爲彼女人之所降伏與彼女人而爲僕使涎液涕流諸不淨物取以爲味於不淨境中與彼牛羊雞猪狐及驢等同其所行於父母沙

門婆羅門所遠離孝愛於佛法僧滅劣淨信當墮地獄餓鬼畜生趣中於其險惡怖畏岸側登鐵叉樹墮在等活黑繩衆合號叫大號叫炎熱極炎熱阿鼻大地獄中皆由與彼女人儔侶親狎愛戀喜笑嬉鐵娛樂歌舞唱妓如是等事常思念故於出離事不起思念又復不念父母生育極甚爲難十月懷擔不淨流溢於諸艱苦而悉甘忍及其生已轉復增長諸苦惱事養育存惜乳哺愛憐洎至長立教彼閭浮提中種種事業欲令子得安隱利樂時彼父母爲欲令子得安樂故選擇上族與娶其妻妻至家已子生愛著迷

醉耽酒纏縛悶亂以彼愛著其妻室故不念尊重孝
養父母返於父母輕慢棄背其後父母年邁衰朽諸
根劣弱多所闕乏子設方計遣其父母令出自舍佛
言大王汝觀彼人無悲愍心生捨離心起損害心不
念父母生育極難而彼父母常與其子作安樂事方
便存惜令得安隱彼子背恩遺其父母出自舍已乃
與妻子常所歡聚飲食衣服隨意受用由是因緣棄
捨善趣行斯非法決定當墮諸惡趣中復次宣說一
切有情共行邪行唯諸菩薩而乃不行所謂殺生偷
盜欲邪行等如是作已決定當獲不可愛果如月燈

三昧經偈云

愚者耽著諸欲事	親近女人染穢身
還當向彼染穢中	隨業墮在諸惡趣
佛不讚說染欲事	亦不聽近於女人
大怖畏繩所縈纏	欲女之繩極堅惡
欲火猛熾當遠離	如惡蛇毒智應知
女人無信不可憑	智於此道應覺了
當觀菩提最勝道	是卽先佛所親近
觀已菩提聖道圓	獲得諸佛無上智
如正法念處經云	諸地獄中所有罪人時彼獄卒於

日日中數教示云汝等罪人自造惡業決定無失隨其所造彼無數種不善業行亦然今受無數種苦因相等故取果無異種子等故受果亦然由如是故汝諸罪人于令墮在炎熱大地獄中由自所作不善業因昔充滿故而今所受不善業果亦悉充滿如是經於百千歲中所作罪業在不死地無別樂欲時彼罪人受罪乃至地獄果滿或暫放釋即求救護罪人遙見如大黑雲冥然無際極大勇悍復大力勢如金剛背大惡狗衆大惡吼聲而來圍繞罪人見已四向奔馳卽時諸狗前來搏噬罪人恣意食噉皮肉絲裂筋

脉斷壞支體骨節各各分離乃至一切身分皆悉食噉無復遺餘如芥子許如是食已業力所持而復還生展轉長時又復食噉凡如是等業果報者謂由殺生取其肉食害有情故果報如是

復次偷盜業果報者如彼罪人雖見作業果報真實而爲惡業幻惑所迷隨逐不了侵取他財攝爲己有由斯罪故而彼獄卒執取罪人執已卽持利刀割截支節斷壞斷已還合見餘罪人亦悉奔走爲彼獄卒各執取已或持利劍或爍吉帝或都摩羅或復擣杵皆有熾燄斬斫打擊種種治罰此等皆是行偷盜法

不善業果經于無數百千歲中在是地獄乃至偷盜
業果壞散極盡邊際然後放釋復次宣說欲邪行果
謂染欲者見彼女人在灰河地獄或浮或沉叫呼怖
畏而彼地獄熾燄猛惡其狀如流時彼女人悲涕號
哭呼其人言我自作業今墮於此灰河地獄極險惡
處無救無依願爲救護時染欲人聞其女人號哭聲
已業幻癡迷卽時奔馳入彼河中是人入已流燄觸
身徧體融潰無復遺餘如芥子許業力所持卽復還
活又復如前見彼女人在灰河中叫呼求救是人見
已亦復奔前持捉女人時彼女人返捉前人卽以熾

燄鐵所成棒而爲打擊是人爲棒所擊流血徧滿全
身碎壞無復遺餘如芥子許其染欲人業力所持卽
時還活染因重故又復奔前持捉女人同在灰河大
地獄中經于無數百千之歲乃至染欲業果壞散極
盡邊際然後放釋又復還生如經廣說

此中當知財富壽命勿生取著生取著者是爲邪行
如勝軍王所問經云佛言大王譬如世間若男若女
夢中或見可愛園林或可愛山或見可愛人衆闐闐
及睡覺已都無所有大王又如衆果樹林莖幹枝葉
最初青潤漸變赤色次第含藥後乃開華華開不久

卽時結果果落衰殘後見凋謝如前華果都無所有
今汝大王亦復如是世間王者所有快樂王富盛樂
王五欲樂廣有象馬車步倉庫財穀宮闕園苑金銀
珍寶臣佐宰官后妃宮屬童男童女乃至一切王族
親枝凡如是等皆當棄捨應求出離此等一切悉是
無常是不堅牢是不究竟是變易法是不真實是不
久住是動是搖剎那壞散畢竟是罪是盡是滅極其
邊際爲滅失法爲怖爲惱多起憂苦是損是墮是斷
是破是離散法大王如是應知又如四大山從四
方來其山堅實不破不缺妙峯圓滿從虛空中一時

墮地爾時大地諸有情類乃至一切樹林草木而悉
摧毀是諸有情及草木等皆不能避設有有力勢不能
奔走復無方術及諸作用而爲制止大王四種大怖
彼彼若來亦復如是一切有情皆不能避設有有力勢
不能奔走復無方術及諸作用而爲制止何等爲四
大王老怖若來壞少年相病怖若來壞安樂法死怖
若來壞滅壽命邪行若生壞失正行大王又如師子
爲獸中王若入獸群取一獸食隨其所欲不以爲難
然彼師子雖有大力若入咩犖大惡飛鳥口中極不
自在盡食無餘大王死箭射人亦後如是中是箭者

極甚迷亂無救無歸支節將斷血肉乾枯渴惱所逼
面相恐畏手足戰掉無力無能涎液涕流大小便利
穢汙染身眼耳鼻舌身意諸識不行喉頸闐咽欲語
不能醫師棄捨無以爲療衆味飲食其何能進是人
爾時隨自業力欲奔他趣無始時來生老病死輪迴
流轉循環不止此識若捨他識還依此命餘業復取
有身閻魔獄卒甚可怖畏黑暗長夜常履其中將捨
識時彼出入息漸漸微細單已無侶無所堪任此界
旣壞他界卽行長廣路中孤然遊履大恐怖處而生
極怖深隱道途隱覆而行入大黑暗處大艱險沒溺

生死長流大海業風所吹飄颺無定不辯方隅莫知
所詣爾時無救亦無歸趣佛言大王唯除善法當於
爾時是所依歸是爲救護大王世間富樂等法都無
所得勿生耽著諸有所作皆爲邪行是故大王應修
正行所言正行者如真實品云王者若行八種想行
是爲護世相應正法何等爲八一者世間無子孤露
之人與爲子想二者將護惡友如病人想三者見有
諸苦起救拔想四者見有諸樂起歡喜想五者於諸
冤對隨觀彼緣離過失想六者於諸善友起隨護想
七者見諸富樂猶如藥想八者於身作無常想又如

破惡慧經云王者若能具足四種法者應受王之灌頂卽成不退墮法速得如來應供正等正覺愛念獲受廣大富樂具足何等爲四一者護持如來教法令得久住二者棄捨罪不善法三者攝取空無相無願法門四者發起阿耨多羅三藐三菩提心此中云何是爲棄捨罪不善法如日藏品云佛言大王未來世中諸利帝利婆羅門吠舍首陀於彼一類修行正法之者以其所有舍宅田土園苑奴婢坐卧之具病緣醫藥乃至四足等如是一切而悉侵奪或自受用或與他受用此等利帝利婆羅門吠舍首陀卽於現生

獲二十種不可愛法何等二十一者賢聖捨離二者所向方隅譏謗流布三者友愛遠離四者多生冤對五者財物資具而悉破壞六者多生散亂七者身分殘缺八者不得睡眠九者渴惱常逼十者飲中有毒十一者朋友輕侮十二者常與他諍十三者父母妻子奴婢眷屬敎令不行十四者自隱密法及隱密財爲他顯示十五者自隱密人及隱密事悉爲他說十六者財物銷蕩散歸五分十七者輕重病惱而來侵逼十八者奉醫藥人而悉捨離十九者血肉乾枯受諸苦惱二十者其身流注大小便利染汙而終大王

論
六珠寶要講卷第四
星七
如是二十種不可愛法彼等現生決定速獲皆由於彼修行正法人所侵奪彼有受用資具或自受用或與他人由是因緣彼命終已當墮阿鼻大地獄中盡其一劫渴飲銅汁饑吞鐵丸身被火衣如是種種受大惡苦盡彼劫壽從地獄出還復生於餓鬼趣中處大曠野極惡險難枯涸之地四方熾盛炎風所吹其地堅利狀若刀鋒經于無數百千歲中受彼趣苦其後暫時或彼滅已於大海中爲一肉團量百由旬以其宿業因故令彼海中周百由旬悉成炎熱銅汁如是經于多百千歲於大海中受地獄苦從彼滅已還

來於此極惡險難大曠野中化成肉團與山相等周匝四方炎風所吹其四方面飛禽走獸皆來食噉過長時已或暫彼滅還復生於大地獄中地獄滅已數數受是大惡苦果其後成滿一劫乃得人身雖生佛國土中然五濁具足空無智慧眼目角睷又復聾瘖大王凡如是等皆由於彼修行正法人所侵奪彼有受用資具等如月藏品云諸仁者於我法中出家人所起大罪者所謂殺生偷盜欲邪行妄語等極不善業謂彼刹帝利囉惹乃至州城聚落官屬於出家人所若國土州城住處寺舍多行制止不令居處或語

調伏謂惡言呵毀或身調伏謂加諸杖責彼一切處
如是循環皆不解脫於天人趣有所滅失當墮阿鼻
大地獄中

爾時諸天乃至羯吒布單那等隨其所來一切大衆
咸於三寶發生最上清淨之心以種種相極生尊重
俱發是言我等從今已往誓於一切世尊教中而作
衛護所有苾芻苾芻尼優婆塞優婆夷下至破佛戒
者下至於佛法中不持戒行但剃除鬚髮被服袈裟
無所攝受者我等於彼起大師想皆爲作護一切資
具長養攝持若復隨諸方處或有官屬於彼剃除鬚

髮被袈裟者以多種緣加諸杖責我等於彼不爲作
護棄捨一切彼境界事隨其國中若起種種誑誑不
實鬪諍殺害疾疫饑饉他兵侵擾非時風雨或旱或
澇種子散壞有如是等諸燒惱事我不爲彼作其止
息我等當往別國土中有佛弟子之所當爲作護我
乃空其境界捨離而去如地藏經云佛言地藏過去
有國名半左羅王名最勝軍是時彼有法應刑戮之
人以護命故潛剃鬚髮以袈裟衣片纏於頸上時宰
殺者執其罪人繫縛五處驅逐往詣尾體揭監躡迦
大丘曠林中棄置而還卽於是夜彼丘曠林中有羅

刹女名曰惡眼與五千眷屬來入是林忽見其人五處繫縛剃除鬚髮被袈裟片見已卽時右繞頂禮出林而去次有羅刹女名佉祢囉捺帝與千眷屬次有羅刹女名淨穉髮次有羅刹女名曰劒口次第而來人於林中各見其人剃除鬚髮被袈裟片見已雖復彼彼饑急不敢侵食頂禮而去又復過去有王名最勝福彼有智臣以其法應刑戮之人付於醉象是以赤袈裟片潛被其身時彼醉象舉鼻捲取罪人雙脰盡其力勢欲擲於地時象乃見罪人身被赤袈裟片見已卽時生清淨心乃以罪人徐置其地跪伏於

前涕泣悔謝復以其鼻摩洗雙足佛言地藏且觀彼象雖受無暇傍生趣身彼時見被袈裟片者尚能捨離而去不造罪業況復未來世中有旃陀羅羅惹及其官屬沙門婆羅門長者等中旃陀羅人本實愚癡起聰明慢以諂曲言誑惑世間謂言我是求無上大乘之者彼等愚癡旃陀羅人不怖不觀後世界報於我法中出家人所若是法器若非法器以種種緣伺求過失謂以惡言刻責楚撻其身制止資身所有受用復於種種俗事業中而生條制或窺其遲緩或規其承事求過失已而爲條制如是乃至欲害其命彼

諸人等於三世一切佛世尊所生極過失當墮阿鼻
大地獄中斷滅善根焚燒相續一切智者常所遠離

大乘寶要義論卷第四

音釋

鈍劣

鈍徒因切頑也劣力較切弱也

勇悍

勇尹棟切果敢也悍胡肝切有力也

驕倨

驕居妖切倨也居居御切傲也

捍

侯肝切

歟

許救切以

噉

伯各切擊也

擣杵

擣都皓切杵商與

噉

伯各切擊也

擣杵

擣都皓切杵商與

融潰

融余中切銛也潰胡對切壞也

聞咽

聞亭年切咽一結也

飄颻

飄余張切舉也

喉頸

喉戶鉤切頸頭羣也

浙江嘉興府楞嚴寺般若堂庚子年餘貴刻此
大乘要義卷四計字八千七百四十
該銀伍兩 錢三分
順治十八年 月 日徑山比丘徹微印開藏

作如是言諸得忍菩薩摩訶薩應受刹帝利王灌頂及富樂受用我卽許可金剛藏菩薩白佛言世尊刹帝利王所受灌頂若非得忍菩薩彼當墮於何等惡趣佛言金剛藏若非得忍菩薩但能修集十善業道受刹帝利王灌頂及富樂受用我亦許可金剛藏菩薩白佛言世尊若非得忍菩薩又不具修十善業道彼旃陀羅刹帝利羅惹於此世尊甚深教中而令滅失當墮阿鼻大地獄中斯等云何而得解脫佛言善男子受刹帝利王灌頂者若被信力堅固鎧甲於三寶中廣生淨信又不於我三乘出離法中而生毀謗

下至一四句偈亦不輕毀於持戒破戒人中悉不燒亂下至不受淨戒但剃除鬚髮被袈裟者諸苾芻衆而不燒亂若衆僧所屬若單已所屬一切受用等物悉不侵奪制止常所聽受三乘出離正法如其所聞隨力修行於彼修行三乘諸苾芻所而常親近願力堅固不起違背之心教授有情大乘之法使令趣入復令安住若有能具如是相者刹帝利王應受廣大富樂受用而不退墮先佛如來皆悉許可我今亦然許可是事復次彼中作如是言若有真善刹帝利王乃至真善長者若今現在或未來世乃至後五百歲

法欲滅時若自若他皆作衛護於佛清淨教中堅固
守護又於安住聲聞乘者緣覺乘者及大乘者諸補
特伽羅具修淨戒德廣大者若是法器若非法器乃
至但剃除鬚髮被袈裟者悉爲守護復爲護持塔寺
所屬之物悉不侵奪或自受用或與他受用他所侵
者卽爲制止如是福蘊無量無數不可限極爾時會
中一切天主乃至畢舍左主咸作是言世尊若真善
刹帝利王乃至真善長者具足如是功德者我等皆
爲作護令具十種增長之事何等爲十一者增長壽
命二者增長無難三者增長無病四者增長眷屬五

者增長財物六者增長資具七者增長自在八者增
長名稱九者增長善友十者增長智慧我等與自眷
屬常當護彼真善刹帝利王盡其國境有十種法使
令遠離而爲守護何等爲十一者他國兵敵二者自
國兵敵三者罪業之人四者殺害之人五者非時雨
六者惡風暴熱七者極惡宿曜八者饑饉九者橫病
夭死十者邪見月燈三昧經云佛言若諸天龍夜叉
等於我教中作護持者彼等是大施主令我法眼而
得久住使三寶種不斷不絕從我口生之子從法化
生諸苾芻苾芻尼優婆塞優婆夷及餘淨信善男子

善女人爲勝義諦法乃至爲求阿耨多羅三藐三菩提者悉爲護持我今親自付囑於汝天龍夜叉等諸大施主及慈氏等賢劫之中諸菩薩摩訶薩如我敎勅當爲作護若欲安住修行正法者卽得心善云何得心善如寶雲經云菩薩得心善是中云何名爲心善謂彼若能於身心離卽得心善應生如是心審諦觀察當以何法是我心之所行又復以何說名爲善若行於善卽喜心清淨由心喜故是卽行善能生多種厭離能起多種伺察諸不善法而悉斷滅阿闍世王經云諸菩薩不應如是生心若心有所生卽諸惡

魔伺得其便諸佛如來亦不愛樂賢聖不生喜心自善根分而亦減失若復生心而無所生卽諸惡魔伺不得便諸佛如來亦悉愛樂賢聖心喜自善根分亦不減失彼若如是修行卽於一切處生心生心轉法輪所說之法而無雜亂如開發內心經云佛言慈氏若諸慈芻所說雜亂雖復多聞返生驕倨迷醉忘失內心散亂而不專注彼諂曲心相續而生遠離奢摩他毗鉢舍那不爲他人之所尊重天龍夜叉亦不隨順所修正行而不成就若於所行悉無所得是爲正行若欲了知其正行者謂卽勤行修習多聞宴坐復

次彼中作如是說若有菩薩勤修勝行而爲總領造七寶妙塔徧滿三千大千世界我亦於彼而不許可若復有人聽受正法一四句偈與般若波羅蜜多相應者我卽於彼尊重稱讚何以故多聞能生諸佛菩提復從世間無取著生若有菩薩勤修勝行爲總領者應當爲他說法講授菩薩與其教導令於繫著法中不生繫著所獲福蘊廣大無量業障銷散慈氏假使滿閻浮提勤修勝行總領菩薩彼等若能於一勤行說法講授菩薩之所承事供養又若滿閻浮提勤修說法講授菩薩而悉於一勤行宴坐菩薩之所承

事供養此如是等佛悉許可而亦隨喜何以故智慧事業於難行事業中而爲最上一切三界高顯最勝復次宣說正法行者如寶積經云佛言迦葉譬如商主欲入大海求無價寶先善觀察堅固船筏乃至到寶所已還復自舍迦葉菩薩摩訶薩亦復如是欲入一切智海先當觀察勤行六波羅蜜多乃至超過一切愚夫異生聲聞緣覺之地然後住佛果位阿闍世王經云佛言大王一切智心根本不斷如是根本當起精進策勤教示布施無厭足以彼迴向一切智智故持戒無厭足迴向一切有情故忍辱無厭足求佛

色相故精進無厭足於諸善根勤修集故禪定無厭
足所緣相應故智慧無厭足於一切處善思擇故爲
法利故富樂壽命於一切處皆無過失又復修正行
者當爲一切有情起平等心如月燈三昧經云佛言
童子菩薩摩訶薩當具足一切若成是功德者卽得
速證阿耨多羅三藐三菩提何等一法童子所謂菩
薩摩訶薩於一切有情起平等心利益心無障礙心
無毒心是爲一法若欲修正法行者應當棄捨利養
等事如開發內心經云應當伺察諸利養事以其所
著失正念故癡若起時自利成辦故諂若起時不能

隨順諸佛教勅故驕倨我慢起時一向但爲險惡根
本故此等壞失諸善根故智者應當伺察利養雖於
現受而有所得然其後世界利都無無量禪定皆悉
遠離當墮地獄餓鬼畜生趣中智者又應伺察利養
猶如水行流注不斷旣伺察已如是生心少欲知足
如雜阿含經云譬如一羸羸羊之群於彼尼拘律陀
樹周而行是中有一羸羊獨詣群鹿巖中守鹿人
所乃至於彼群鹿之前搖動其頭跪伏而坐求彼所
食及求作護如是還已餘羸羊衆悉生輕慢此有一
類稱讚利養我慢苾芻亦復如是起無厭心離於衆

中爲所食故獨入城邑巡行乞食復求邀命得彼景
上清淨飲食自分食已以所求食持還園中苾芻衆
所謂苾芻言諸尊者我於今日白衣舍中受其邀命
得彼最上清淨食已今我有其所乞之食是長食法
是已捨法汝諸尊者若欲食者應當隨意如是言已
中有少年苾芻皆生輕慢智者當知若發如是麤惡
言者皆爲利養等事如經廣說此中云何遠離諂誑
二法如無熱惱經云有二種法於一切智心而爲障
礙所謂一誑二諂有其二法は無障礙一正直二無
諂若欲成辦諸正行者常常親近諸善知識因善知

識故成諸正行何等經中而作此說如勝生勝鬘解
脫經云諸菩薩摩訶薩因善知識故流出一切菩薩
行法善知識者有大威力而能圓成諸菩薩故善知
識者而能出生一切菩薩諸善根故善知識者普能
結集一切菩薩修學所行善知識者而爲根本能令
一切菩薩深心清淨故善知識者能爲守護增長一
切福蘊故善知識者是所愛樂獲得一切佛菩提故
善知識者而能攝持令諸菩薩不墮惡趣使令不退
轉於大乘而趣菩薩學處出過愚夫異生之地亦不
棄捨聲聞緣覺之法復爲作護善知識者能令一切

失道之者還歸正道聞正法者引令解入一切佛法
善知識如母能令一切悉生佛家善知識如父廣爲
有情資育利益故善知識如乳母善護一切令離罪
業故善知識如僕使捍勞能入生死大煩惱海爲拔
濟故善知識如舉棹人運載有情至一切智智大寶
洲故諸修正行者若欲往詣善知識所應如是作意
使其身心清淨勤勇其心如地悉能荷擔諸重擔故
心如僕使隨所欲教令悉爲作故其心如犬常所警
吠爲守禦故當觀自身如病人想善知識如醫師想
所教示法猶如藥想依教所行如病除想凡如是等

因善知識故得深心清淨已隨諸善知識所教令法
而善修行卽能增長一切善根如雪山王一切藥草
樹林皆悉依止依止善知識亦復如是能成一切佛
法大器又如大海衆流所歸菩薩因善知識從彼出
生故卽得圓成一切菩薩行法及一切佛法如寶積
經云佛言迦葉如人乘船入其大海而於中流船忽
破壞是中或有依一版木或餘椽木隨得所依安隱
到岸迦葉菩薩乘於一切智心之船亦復如是忽於
中流壞失菩薩乘法若遇善知識而爲依止彼卽還
得一切智心乘諸波羅蜜多法運載而行到法界洲

迦葉所有阿耨多羅三藐三菩提法而悉依止善知識故是故於諸善知識所供養承事而爲最上若佛在世若涅槃後應當勤行斯得無量福行圓滿畢竟果報而悉成辦如華積經云若見師子遊戲如來見已發清淨心而爲供養又若彼佛入涅槃後取其舍利如芥子許而爲供養如是所獲果報皆悉齊等是中亦無種種差別如大悲經云佛言阿難若人於我現前供養且置是事又若有人於我涅槃後收取舍利如芥子許作諸供養亦置是事又若有人於我法中造立寶塔復置是事若或有人但以一華散擲空

中觀想諸佛而爲供養我說是人以此善根畢竟趣證大涅槃果阿難以要言之下至傍生趣中諸有情類若能想念諸佛我說彼等以是善根畢竟亦成大涅槃果阿難汝觀於佛世尊所何等行施而爲最大何等發心是大威力阿難若有人但能一稱那謨佛陀耶此爲勝義何以故謂佛世尊具大不空名稱故此不空義者所謂卽是那謨佛陀耶以於諸如來所隨有何等極少善根而不壞失下至一發淨心此等一切乃至畢竟趣證涅槃阿難譬如漁師於大池中欲取其魚卽以鈎餌置於水中魚卽競來游泳而食

是時漁師知魚所在重復牢固鉤竿輪線徐緩深鉤
既得魚已置于陸地隨其所欲取以用之世間一類
有情亦復如是先於佛世尊所發清淨心種植善根
下至一發淨信已而彼有情後復惡作業障所覆生
於難處其後還得值佛世尊以菩提智及四攝鉤線
拔彼有情出生死流置涅槃岸海龍王問經云佛言
龍王諸菩薩摩訶薩若能具足八法卽得常不離諸
佛何等爲八一者教示觀佛影像二者承事如來三
者常讚如來四者造佛形像五者教示觀佛色相六
者隨何佛刹聞佛名稱卽於彼佛刹中發生勝願七

者不生下劣之心八者起廣大心求佛之智如菩薩
藏經云若能嚴淨如來塔廟者當得四種清淨最上
誓願何等爲四一者獲得最上色相清淨誓願二者
最上諸相具足清淨誓願三者最上堅固修集清淨
誓願四者最上觀見如來清淨誓願彼經復言若人
於如來塔廟散華塗香作供養者是人獲得八種不
壞之法何等爲八一者不壞色相二者不壞富樂三
者不壞眷屬四者不壞淨戒五者不壞多聞六者不
壞寂定七者不壞智慧八者不壞誓願若人欲造如
來形像者應隨意作或以土木鐵石或復象牙或金

論
大乘寶要論卷第五
十
星八
銀瑠璃水精赤珠珊瑚碼碯及諸珂貝衆妙香等或
造圖幟或於版木牆壁作諸畫像或以紙素及諸縑
帛鍍剪而成或自新而作或增修故壞如來形像如
是作已當來不於下族中生不於惡業族中生不於
邪見族中生所感身支當無殘缺設有具造五無間
罪者於如來所能發淨信造立如來形像是人所有
當來地獄業報轉重令輕於三乘法或餘乘中而得
出離如人不淨穢汗其身而能潔淨沐浴妙香塗飾
而彼穢惡之香飄散無餘造五無間罪業者亦復如
是造佛像故彼等罪業銷滅無餘又復具行一不善
業者若於如來所發淨信心彼之罪業亦悉銷滅如
酥投火中而悉成燄業散無餘其義如是何況具足
最勝菩提心者及彼出家具淨戒者

大乘寶要義論卷第五
大乘寶要義論卷第六

宋西天三藏朝散大夫試鴻臚少卿傳梵大師法護等奉詔譯

如寶積經云假使滿三界中一切有情是諸有情各
各造立如來塔廟如是色相一一高顯猶如須彌山
王而諸有情經於苑伽沙數劫中各各尊重供養是

塔若有不離一切智心菩薩但置一華而爲供養此
獲福蘊勝前福蘊其數倍多彼經又云假使三千大
千世界一切有情悉住大乘而復皆成轉輪聖王設
以香油如大海水積燃燈草等須彌量各各燃是廣
大燈明供養如來所有塔廟若有出家菩薩取燃燈
草投少分油於佛塔前燃燈供養此獲福蘊倍勝於
前燈明布施百分不及一乃至烏波尼殺曇分亦不
及一又若彼諸轉輪聖王各於佛及苾芻衆所普施
一切受用樂具若有出家菩薩以自持鉢所乞之食
先減施人然後自食此獲福蘊勝前福蘊最上廣大

又若彼諸轉輪聖王積以妙衣如須彌量普施佛及
諸苾芻衆若有出家菩薩但以三衣或施十信心菩
薩或施佛及諸苾芻衆或施如來塔廟之中此獲福
蘊比前所施極爲殊勝又若彼諸轉輪聖王一一皆
以滿閻浮提布設妙華廣爲供養如來塔廟若有出
家菩薩下至但取一華供養如來塔廟者此獲福蘊
比前所施百分不及一乃至烏波尼殺曇分亦不及
一次第出生經云當觀菩薩有其四種賢善稱讚應
於如來勤供養何等爲四一者自作最上布施供養
令他有情亦如是作供養勝行二者勤誠供養諸如

來已轉復堅固大菩提心三者現前瞻觀三十二種
大丈夫相四者種植善根而得增勝此等四法是爲
最上承事供養諸佛如來海慧問經云佛言海慧有
三種最上承事供養如來之法何等爲三一者發生
大菩提心二者攝受如來正法三者廣爲有情起大
悲心此等是爲勝義供養之行慈氏師子吼經云無
佛可想無佛可觀何況有佛可供養耶有所得者無
有是處此中何等是供養佛所謂真供養者應起無
想無相之心若無心心所作意無佛想無法想無衆
想無補特伽羅想無自他思想如是供養者是真供養

諸佛如來般若波羅蜜多經云佛言天主假使苑伽
沙數世界之中積滿如來舍利置於剎幢之上若有
人書寫般若波羅蜜多經俱爲獻施汝於二分之一中
當取何分帝釋白佛言世尊我於此二分中當取般
若波羅蜜多分何以故般若能生如來舍利故若有
供養修習般若波羅蜜多者是卽供養如來舍利佛
言帝釋若諸有情信解如來如實涅槃者極爲難得
此中何等是諸如來如實涅槃無數經中作如是說
如來興顯經云佛言佛子若諸菩薩樂欲了知諸佛
如來大涅槃者以慧觀察先當了知法自性性法自

性者謂卽真如實際法界虛空界自性清淨際無相際我自性際一切法自性如如涅槃應如是了知如來如實涅槃何以故佛子諸法本來如是無生無所生若法本來如是無生無所生是故無有少法可得然佛如來有所生者但爲有情喜樂相續乃有生故如來入涅槃者亦爲有情厭倦生故而實如來本無所生亦無涅槃是諸如來常住法界佛子譬如日輪光明出現普徧照耀一切世界各於清淨水器之中見日光影亦非日輪徧一切處隨入器中乃有所現若復彼彼清淨水器或破壞時或渾濁時或減少時

彼日光明而悉不見然日光影雖於器中而不顯現非日之咎以彼淨器自破壞故佛子如來亦復如是法界日輪廣大光明從法界中常所出現普徧照耀隨順一切世間若諸有情清淨心相續如來卽爲出現影像一切有情雖常覩見如來日輪影像亦非如來徧一切處隨爲出現若復有情如彼壞器不清淨心相續業煩惱覆故不見如來日光影像彼諸有情卽起如來入涅槃想然以如來入涅槃者非如來咎但爲有情相續善根有破壞故又復應以大涅槃法所可化度諸有情故是故如來現入涅槃而實如來

論
無來無去亦無所住佛子譬如一切世間悉作火事
或復後時別異聚落國土城邑火事息滅且非普盡
一切世間火事皆息佛子如來亦復如是普盡一切
世界隨順施作一切佛事若餘佛刹中作佛事已現
入涅槃亦非一切世界諸佛悉入涅槃如巧幻師善
學幻法諸明咒力而悉洞曉於一切三千大千世界
中普現其身作諸幻事一切聚落國土城邑悉徧顯
示隨其幻力若住一劫若過一劫若餘聚落或城邑
中作幻事已隱自身相亦非一切世間幻事皆隱佛
子如來亦復如是以無量如幻之智善學方便勝慧

智明示現一切法界幻事如來隨現然如來身畢竟
安住法界及虛空界一切有情平等事業別別刹土
隨順作已示現涅槃亦非一佛刹中入涅槃故一切
法界如來悉入涅槃佛子諸有菩薩應如是知諸佛
如來大涅槃故所知無量畢竟無著法界無邊亦復
無中如虛空界自性廣大真如無生而亦無滅安住
實際然以方便隨時示現是故當知一切世間勿生
疲厭隨先行願而自安住一切世間一切刹土成辦
所有諸勝法行般若波羅蜜多經云大涅槃者所謂
自性空妙法蓮華經云佛言迦葉若能覺了彼一切

法平等之性是大涅槃彼經又云佛言善男子如來諸所作事而皆作已成佛已來極甚久遠壽命無量如來常住不入涅槃爲度有情故示現涅槃何以故應以如是緣成熟有情故大悲經云佛言大梵如是此世業盡煩惱盡苦盡苦緣息滅寂然出離此說是爲涅槃大梵此中無復有人了是涅槃謂業煩惱盡自性清淨出世品云諸佛方便開示無邊涅槃之法梵王問經云梵王白佛言世尊諸出家者於隨所樂一切相中若能止息此說是爲涅槃佛言大梵此互爲緣所成立故覺智方廣經云佛言大目乾連過去

有佛號名稱高顯彼佛刹中唯聲聞衆是時有一苾芻名等觀諸所緣住大乘行是人曾於無量俱胝那庾多佛所種植善根於阿耨多羅三藐三菩提心曾無退轉安住無上大乘法中欲令嚴淨不可說不可說佛刹其佛刹中無別有情發菩提心是時彼苾芻雖廣植善根然於甚深法中生輕慢心以是緣故當生長壽天時名稱高顯如來如其所應作佛事已卽時普觀一切佛刹何等刹中有情不作佛事還自觀見我刹土中有一苾芻住大乘行是菩提器然彼苾芻有障難事以生長壽天故彼之身器不能堪任令

其種植菩提善根是人命終之後當墮阿鼻大地獄中亦復不能堪任種植菩提善根地獄出已生於人中而復孽瘧諸有所作舉手示物或假他緣方曉其事是時名稱高顯如來爲欲化度彼苾芻故以善方便於六十俱胝那庾多生中捍勞忍苦作諸化事使令成熟佛言大目乾連汝且觀彼如來大悲心故爲一有情經如是時受其勞苦乃至彼苾芻機緣成熟安住不退轉地大目乾連於汝意云何彼時名稱高顯如來者豈異人乎卽現一切義如來是彼等觀諸所緣苾芻者卽無量光如來是父子合集經先行品

云佛言妙吉祥彼過去世輪迴之中無量阿僧祇不思議無等比無初際時有如來名曰帝幢經于苑伽沙數等世界佛刹是諸佛刹中諸有情類皆悉得其五種樂事或有有情得其欲樂或得出離樂或得禪定樂或得三摩地樂或得阿耨多羅三藐三菩提樂而彼有情雖受諸樂然無繫著譬如飛鳥騰翔空中而得自在彼諸有情受樂亦然悉無所著妙吉祥白佛言世尊彼時帝幢如來者卽我世尊釋迦牟尼佛是入楞伽經頌言

我不觀寂靜

亦不起行相

復無分別心

故我證涅槃

此中當知於一乘信解極爲難得此一乘者而諸經中皆作是說妙法蓮華經云我發起一乘爲有情說法所謂佛乘無二無三十方一切世界法爾如是何以故若過去世十方一切世界諸佛如來皆發起一乘爲有情說法若未來世十方一切世界諸佛如來亦發起一乘爲有情說法若現在十方一切世界諸佛如來復發起一乘爲有情說法所謂佛乘以是緣故十方世界尚無二乘而可建立何況有三真實品云佛言妙吉祥由昔因中一乘境界能具足故今

佛刹中唯一乘法而爲出離而無聲聞緣覺二乘建立何以故如來已離種種想故若有人言如來或說大乘之法或說緣覺乘或說聲聞乘者是人於如來所起不清淨心不平等心取著之心大悲經云佛言我若說有種種想者卽於法中自生諂曲然我爲諸有情所說諸法皆悉令於菩提樂欲得大乘法一切智攝使諸有情回到一切智智之地是故無彼諸乘分位而可建立亦無諸地我所建立亦不建立補特伽羅事亦無少行及無量行之所建立復無三乘而可分別彼無分別性入法界門但爲世俗諦故開示

論
大乘寶要論卷第五
引導方便宣說勝義諦中唯一乘法而無有二般若
波羅蜜多經云佛言天主若諸天子未發阿耨多羅
三藐三菩提心者我當令發阿耨多羅三藐三菩提
心若復不能決定發菩提心者我亦當令隨喜發於
阿耨多羅三藐三菩提心何以故彼於生死流中相
續不斷故我意不欲令彼諸善根分有所隱沒當令
於彼最勝法中而有所得大集會品云一乘普攝彼
一切乘以其一乘攝諸乘故同歸一理普入法界無
分別性總持自在王問經云佛不說有種種之想然
佛出世諸所作事悉同一味法界而無障礙容受一

切有情自成正覺已復令諸有情而亦覺了然後轉
妙法輪所謂不退轉輪譬如治寶之師於其寶所但
取假色瑠璃先以灰水磨淬令潔次用黑膩之髮而
復治之然其寶師曾無疲倦後以肉汁及以繒帛重
復磨治又用大藥汁及細妙衣次第精治然後瑩潔
去其假色同真瑠璃如來亦復如是知有情界本不
清淨乃爲宣說無常苦無我不淨之法令於輪迴起
厭離想後以聖法調伏方便開導如來亦不暫生疲
倦後爲宣說空無相無願之法令其開覺如來之眼
如來亦不暫生疲倦後爲宣說不退轉輪及說三輪

清淨引導有情令入如來境界之中平等超越種種
因性咸證如來清淨法性此說是爲世間究竟得無
上果阿惟越致經云不退轉輪平等故諸佛說法亦
平等是故如來爲不劣信解諸有情類不能解了一
乘法故乃出娑婆世界五濁時中以善方便爲彼有
情建立佛事使成佛果勝鬘師子吼經云諸佛如來
方便宣說此涅槃法從三乘中出生諸乘然由一乘
之法取證阿耨多羅三藐三菩提入楞伽經云諸煩
惱種子入三摩地三摩鉢底如實覺了住無漏界復
入聲聞緣覺無漏界中出世勝行圓滿成辦得不思

大乘寶要義論卷第七

第八
同卷

三藏朝散大夫試鴻臚少卿光梵大師惟淨等奉 詔譯

如華嚴經云大毗盧遮那解脫吉祥世界中普徧智
欲功德幢王如來建立無量有情住聲聞地無量有
情成熟緣覺菩提無量有情成熟迅疾辯才出生菩
提無量有情成熟無垢精進幢出生菩提無量有情
成熟法辯才出生菩提無量有情成熟根清淨辯才
出生菩提無量有情成熟十力諸行圓滿出生菩提
無量有情安住法城現前境界一乘出生菩提無量
有情於一切處隨現種種神通一乘理法出生菩提

論
大聖賢要義論卷第七
無量有情建立諸行普攝無量方便出生菩提無量
有情安住三摩地分位理法出生菩提無量有情安
住一切所緣境界清淨道場理法出生菩提無量有
情發菩薩菩提心無量有情住菩薩道無量有情安
住清淨波羅蜜多道無量有情住菩薩初地乃至住
於菩薩十地此中應知菩薩常以正法攝受一切何
等是正法攝受如信力入印法門經云佛言妙吉祥
正法攝受故卽菩薩攝受菩薩攝受故卽正法攝受
正法攝受故一切有情攝受一切有情攝受故卽佛
種不斷所作成就又若欲令佛種不斷欲破一切有

情諸業煩惱欲閉一切惡趣之門欲受無量無數轉
輪聖王上妙快樂及梵天帝釋護世等樂欲斷一切
惡魔罣索乃至欲成阿耨多羅三藐三菩提果者悉
當以正正法攝受此中應問初發心菩薩以少善根
彼當云何攝受正法如菩薩藏經云菩薩若具四種
法者彼卽不減菩提轉生當作轉輪聖王如其願力
卽得一切善根隨轉得如大力堅固那羅延身彼得
轉輪聖王已修四梵行生於梵世爲梵天主何等爲
四一者菩薩若見如來塔廟故壞發勤勇心而爲治
飾乃至以一泥團作其供獻二者於四衢道或闌闌

論
大乘寶要義論卷第八
星九
之所建立如來高顯妙塔或塚廟像或隨立幢相或但豎刹竿或安如來形像或別別安布如來諸相所謂轉法輪相或復踰城出家之相或菩提樹下成正覺相或現大神通降魔軍相或示現入大涅槃相或忉利天下降之相三者若見聲聞弟子衆中有離間者爲作和合四者於如來教中若見正法欲滅滅時乃至一四句偈勇力護持使彼流通令不忘失又於正法或說法師皆爲攝受乃至損棄身命終不捨法寶雲經云佛言善男子菩薩若具十種法者卽能攝受正法何等爲十一者於後末世後五百歲正法滅

時如來教中起雜亂事而諸有情多住邪道息滅智燈無正師授爾時應以廣大經典具大威力攝廣大義如一切法母者尊重供養受持讀誦宣說解釋二者以甚深經爲他演說解釋開示使其解了三者於修正道人所發生歡喜清淨之心四者得歡喜已爲彼攝受五者以無著心爲他說法使其聽受六者於說法人所起師尊想七者於其正法起甘露想八者又於正法如良藥想九者不惜身命希求正法十者以所得法如說修行是爲十法寂靜決定神變經云佛言賢護菩薩若具四種法者卽能攝受正法何等

論
大乘寶要論卷第
三
爲四一者於自快樂而不愛著二者施於他人上妙
快樂三者具大悲心四者求法無厭彼經又云過去
世時無垢威光王於大高如來所千歲之中種諸善
根以一切樂具供養彼佛及以四事給施八萬四千
諸苾芻衆如是過千歲已彼大高如來告無垢威光
王言大王如是滿足千歲於如來所行諸施法若比
勤行求法菩薩一出入息中所有善根百分不及一
乃至烏波尼殺曇分不及一何況於正法中乃至
一四句偈勤行宣說解釋其義彼福邊際我不能說
大王且置是事正使如是滿足千歲盡諸所有布施

供養總以爲聚施一遊方苾芻如是或施諸苾芻衆
若於勤行宣說講授菩薩所以樂法故於彼尊重起
於淨信持以飲食生如是心我爲求正法故以此飲
食而爲獻施以前布施之法比此善根百分不及一
乃至烏波尼殺曇分亦不及一如來祕密經云所有
菩薩福蘊若比攝受正法福蘊此復倍多正使一切
諸佛勤勸宣說經俱胝劫尚不能得受持正法福蘊
邊際何等正法如勝鬘師子吼經云此正法者卽是
大乘增語何以故大乘出生聲聞緣覺之乘及世出
世間一切善法故法集經云彼正法攝受者所謂於

論
大業寶要義論卷第七
一切如來諸說甚深甚深經典宣說講授專注思惟
是爲正法攝受當知諸菩薩若依著有所得行雖經
無量時供養諸如來於彼彼佛所然不得授記況復
成菩提如梵王問經云佛言大梵我於一劫若過一
劫宣說彼彼如來名字若我供養是諸如來或復於
彼我修梵行及修六波羅蜜多我於彼彼佛所未得
授記何以故我於有所得行而依著故若我爾時於
然燈如來所纔見彼佛卽得無生法忍彼佛世尊與
我授記我於爾時超過一切有所得行而復圓滿六
波羅蜜多於甚深法中能生信解所有諸菩薩自利

利他最勝諸行悉得周畢大集經月藏品云佛言月
藏彼勝義諦卽能成就阿耨多羅三藐三菩提不共
一切聲聞緣覺所有是故世俗諦不能成就阿耨多
羅三藐三菩提最上善根及辨諸勝行月藏如人持
以燭火不能枯涸甚深大海彼世俗諦亦復如是尚
不能涸自煩惱海況復爲他諸有情類此中何能信
解甚深之法如菩薩藏經云菩薩有二種慧一者從
他聲聞二者自心深固作意此中何等是從他聲聞
若有菩薩雖復樂修諸相應行然於菩薩藏正法不
樂聽受又不樂聞諸聖法律於定中少味而爲喜足

慢心熾盛故墮增上慢而彼菩薩不能解脫生老病死憂悲苦惱亦不解脫六趣輪迴又復不能解脫苦蘊以彼緣故如來說言從他聲聞而此所聞不能解脫老死等法何等是爲深固作意所謂菩薩自作是學無所有法而可和合非不和合是深固行此深固行卽是非行增語彼如是聲若前際若後際如實伺察從何所生復從何滅又若言說若義理若斷若證若已說若當說彼等一切如實伺察無過去相無未來相無現在相可得卽一切法自性寂滅自性寂靜自性圓滿畢竟無生無起無實應觀諸法畢竟涅槃

若如是觀卽無所觀亦非無觀此名正觀況復一切法如實可觀耶是卽無所觀此無所觀亦卽無生增語若一切法無生卽不越正理若一切法平等卽佛法平等如是所說是爲不越正理此說名爲深固作意如是乃能解入最上甚深正法父子合集經云佛告淨飯王言大王若或空劫時中或有梵天樓閣出現於前七寶所成彼堅實性若生起時從何所來如是欲界他化自在天化樂天兜率天夜摩天忉利天四大王天是等諸天樓閣悉現七寶所成又鐵圍山大鐵圍山堅實一聚金剛所成是等諸山彼堅實性

從何所來又須彌山你民達囉山持雙山持軸山持
金剛山羯那里酤山尾那怛酤山馬耳山善見山大
善見山烏咎誡盧山香醉山雪山及餘黑山悉現於
前乃至一切三千大千世界而悉出現且彼須彌山
至去地八萬由旬其堅實性悉集現前從何所來大
王若此世界成後大地火然大水漂流大風鼓擊其
火亘空所有烟燼悉無所現如酥或油投火中燒亦
無烟燼其水漂時無餘可得如鹽投水而悉混融亦
無有餘其風鼓擊無少物可現如毗嵐風當吹鼓時
何有飛鳥而可得現此三千大千世界亦復如是火

然水漂風鼓之時無餘可見彼堅實性如是壞滅從
何所去此說外地界內地界亦然及餘諸界若內若
外亦復如是是故一切法生時無所從來滅時亦無
所去彼等有生決定皆空生已亦復自性皆空阿闍
世王經云爾時阿闍世王於其宮中飯佛世尊及諸
菩薩聲聞大衆盥手滌器已於妙吉祥菩薩之前肅
恭而坐聽受正法王言菩薩願今爲我解除惡作妙
吉祥言大王假使殞伽沙數等諸佛世尊亦復不能
爲汝解除惡作阿闍世王聞是語已驚怖無救悶絕
躡地是時尊者大迦葉卽告王言止止大王勿生驚

怖此妙吉祥菩薩善能爲汝說自因緣應作是問以何緣故菩薩作如是說時阿闍世王從地徐起白妙吉祥菩薩言以何緣故菩薩作如是說妙吉祥言大王於汝意云何汝心有所緣觀佛世尊耶王言不也妙吉祥言汝今云何觀心生耶王言不也妙吉祥言觀心滅耶王言不也妙吉祥言觀有爲法耶王言不也妙吉祥言觀佛世尊於有爲法有表示耶王言不也妙吉祥言大王於汝意云何若諸法中無法可觀者而容有法可解除耶王言不也妙吉祥言大王以此緣故我作是說假使苑伽沙數等諸佛世尊亦不

能爲汝解除惡作復次大王若此空中或煙或塵欲染虛空於汝意云何是彼煙塵能染空不王言不也妙吉祥言大王又或有人作如是言我欲清淨虛空而彼虛空其能淨不王言不也妙吉祥言大王如來亦復如是與虛空等說一切法本來相續自性無染彼無有法若染若淨而實可觀是中復何有所解除大王我於是義如實正觀故作是說假使苑伽沙數等諸佛世尊亦不能爲汝解除惡作復次大王諸佛世尊內心非有所得非有所起外亦非所得非所起何以故一切法自性無所起若法自性無所起故卽

論
大珠實要論卷第七
無處容受有所起性何以故一切法自性無所起故
卽無所成一切法無所成故卽無所集一切法無集
故卽無出生一切法無出生故卽法離性一切法離
性故卽無能作行一切法無能作行故卽無有生一
切法無有生故卽無異熟法一切法無異熟故卽無
起作一切法無起作故卽無所染一切法無染故卽
自性明亮一切法自性明亮故卽法清淨一切法清
淨故卽虛空等一切法虛空等故卽無對治一切法
無對治故卽離於二一切法離二故卽離二邊一切
法離二邊故卽法無邊一切法無邊故卽無涯際一

切法無涯際故卽無究竟一切法無究竟故卽無所
緣一切法無所緣故卽於一切處無顛倒住一切法
於一切處無顛倒住故卽常樂我淨悉不可得一切
法常故卽無動轉相應一切法淨故卽自性明亮所
成一切法樂故卽無分別相應一切法我自性故卽
無我表示相應一切法無惡作故卽內心寂止一切
法無實故卽勝義諦無所安立一切法寂靜故卽徧
寂相一切法無我故卽我所相離一切法無味故
卽解脫相一切法離名故卽名差別不可得一切法
無分別故卽種種性離一切法一味故卽解脫普攝

一切法離相故卽無相際一切法無相故卽無解了
所緣清淨一切法空故卽一切見作皆離一切法無
願故卽超越三世一切法三世斷故卽過去未來現
在皆不可得一切法涅槃普攝故卽畢竟無生大王
於汝意云何若法無生復無積集是中還能有所染
不王言不也妙吉祥言又復有法可解除耶王言不
也妙吉祥言大王由如是故如來知一切法與涅槃
等乃於是中無有惡作而能解除是故大王彼深固
相應當如是行以無顛倒心應當如實作其伺察如
伺察已隨伺察時無有少法可取可捨亦無有法而

可共住若一切法不共住故此說是爲輕安若法輕
安卽法寂靜若法寂靜是卽法自性若法自性卽無
自性一切法無自性故卽無主宰大王於中應作忍
法卽此亦復無法可作何以故大王所作寂靜故如
是了者當證涅槃此中亦復無法可作亦非無作若
作若非作此說皆歸涅槃寂靜

大乘寶要義論卷第七

大乘寶要義論卷第八

宋三藏朝散大夫試鴻臚少卿光梵大師惟淨等奉詔譯

爾時阿闍世王持以價直百千上妙氈衣獻施妙吉祥菩薩而菩薩不肯受之其王卽以此妙氈衣被妙吉祥菩薩之身衣未著身菩薩卽時隱而不現王旣不見菩薩之身但聞空中聲曰大王汝若能見妙吉祥菩薩身相卽能見汝所有惡作若見惡作如是卽見彼一切法如見一切法亦然可見所施氈衣若汝不能見亦然如是見大王汝若能見有身相者如是乃以氈衣奉施其王卽時復以氈衣各各徧施一切

菩薩聲聞大衆及其官人姪女眷屬而悉不見彼彼身相其王卽時入定觀察都無少色爲眼所見無境相可現是中唯存自身想轉又聞如是空中聲曰汝若能見自身相者如是乃以氈衣奉施王卽自觀亦不見有自身之相爾時乃離一切色想又聞空中聲曰大王汝若如是無少色相若麤若細而可見者亦然如是應見惡作亦然如是見一切法若汝不見彼卽離見彼離見中若汝可見此卽非見大王若非見若非不見此爲正見若如是見一切法者亦卽非見大王此非見者是爲正見爾時阿闍世王於一切法

論
所對疑惑悉得遠離從定起已重復觀彼一切大衆亦悉不見幻士仁賢經云菩薩有四種法思惟經義何等爲四一者緣法生起非無作因二者無法可生亦無補特伽羅性三者若法緣生彼生無性四者於甚深法中無差別門亦不壞菩提菩薩十住經云佛言妙吉祥諸菩薩有五法令得安隱能清淨初地何等爲五一者若於無所緣解脫智中自安住已復令他人亦悉安住無所緣解脫智中是爲菩薩得安隱法二者此無所緣解脫智即無二無二清淨緣法無生此解脫中自安住已復令他人亦悉安住緣法無

生解脫法中是爲菩薩得安隱法三者彼緣法無生即諸緣自性無生一切法無所有處此解脫中自安住已復令他人亦悉安住一切法無所有處解脫法中是爲菩薩得安隱法四者彼一切法無所有處即諸分位分別悉無自性智觀如虛空此解脫中自安住已復令他人亦悉安住如虛空智即無雜亂無依止菩薩得安隱法五者此如虛空智即無雜亂無依止離心意識之智此解脫中自安住已復令他人亦悉安住離心意識之智解脫法中是爲菩薩得安隱法當知彼中離心意識之智即是無發悟有所得智是

論
爲五法勝思惟梵天所問經云梵天問光網菩薩言
一切法深固耶一切法非深固耶菩薩言如汝梵天
復云何說一切法是深固非深固耶梵天言若非思
惟卽一切法深固若心與思惟有所和合卽非深固
又一切法離相此卽深固若復離中有所和合此卽
是爲差別所行若差別中有所行者卽諸所作皆非
深固菩薩言若爾者云何諸法而可生乎梵天言善
男子若自境界離清淨實際中諸法乃生七百頌般
若波羅蜜多經云佛言妙吉祥汝修般若波羅蜜多
時當何所住而修般若波羅蜜多妙吉祥白佛言世

尊我修般若波羅蜜多時都無所住而修般若波羅
蜜多佛言妙吉祥無住云何修般若波羅蜜多耶妙
吉祥言世尊我修般若波羅蜜多時實無法可住佛
言妙吉祥汝修般若波羅蜜多時有何等善根若增
若減妙吉祥言世尊我於彼時無少善根若增若減
世尊諸修般若波羅蜜多者悉無有法若增若減妙
吉祥菩薩神變品云有天子白妙吉祥菩薩言如汝
所說少能有人解了其義妙吉祥言天子以我所說
佛智甚深若少若多不能解了何以故佛智無著無
分別不可記不可說非作用非語言道離心意識若

少知若徧知非易解了天子言若佛智不能知者而諸聲聞何能解了菩薩云何住不退轉妙吉祥言天子如來以善方便假文字智隨爲開覺是智無文字譬如火中求火其何所得天子如來亦復如是若最初便說廣大佛智卽無有情能知佛智是故如是宣說種類之語開示彼智是智無文字天子言妙吉祥何等是爲種類之語妙吉祥言天子若說持戒及制止法或說般若波羅蜜多相應之法或說八解菩提分法此等所說是爲種類之語天子若說離生離滅之法離雜非雜之語離染離淨之語不厭離生死之

語不忻樂涅槃之語無知無斷無修無證無得亦無現前三昧可轉此等所說是爲清淨真實之語不憚議音聲一切法決定無所得經云佛問妙吉祥言諸如來所說不思議不思議界當云何是妙吉祥言此不思議不思議界者是諸如來說世尊界離思惟非心所行非心所量非心法揀擇世尊此心如如是卽不思議界何以故無心思惟此心離思惟故卽心自性亦無所有而此無思惟心是心如實世尊此乃是爲不思議界此經又云佛言妙吉祥汝勿應便被此鎧化度有情妙吉祥言世尊若知有情界不增不

滅是中何有有情而可化度令入涅槃世尊若彼虛
空有人能度者彼有情界亦可化度又欲以菩提心
有所化度者而彼有情亦可發起爲作化度世尊一
切法是菩提亦非菩提染淨可得是故世尊作如是
說汝勿被此鎧化度有情世尊有情非染我亦不住
度有情心何以故世尊若有有情卽有染淨而爲表
示旣無有情豈有染淨可表示耶世尊若法有者從
緣而生卽不相違世尊緣生法中而實無染無淨可
得以一切法自性無實緣生性故若於緣中亦無緣
義染淨可得世尊此無所有義緣生之義智者了知

又復如是緣生之義智者於中悉無分別若於無分
別義中卽無染無淨譬如幻師或幻師弟子幻出樓
閣或復舍宅具有光燄廣大熾盛或有人言我能勇
力於彼樓閣光燄聚中而爲止息是人乃至損壞其
身徒生疲極終不能成佛言妙吉祥如是如是妙吉
祥言世尊若被精進鎧化度有情亦復如是徒自疲
極終無所得此經又云佛言妙吉祥汝當如實伺察
爲是何法增語妙吉祥言此謂如實伺察者然如實
伺察中彼無一性無種種性而可造作世尊若無種
類無分別中作如實伺察卽非如實伺察世尊卽此

非如實伺察是爲增語是故若如實伺察成已是不起我是凡夫我是聖人之見何以故諸法無所觀若法不立凡夫聖人之見卽得如實伺察成就世尊若善男子善女人能如是住者卽得法界相應是中無有少法若平等若差別可得若謂凡夫法差別亦無分別生若謂聖人法平等亦無分別生何以故所緣不可得故若於所緣中或平等差別有所取者此卽分別是分別性都無所有若彼彼所緣中有平等差別而可取者卽我法彼法乃有差別凡如是等應知決定無法可取維摩詰經云何爲病本謂有攀緣

卽爲病本若有攀緣卽有其病何所攀緣謂之三界若無攀緣彼何所表若攀緣不可得卽無所得云何無所得謂二見無所得何謂二見謂內見外見彼無所得此經又云愛見菩薩言色空爲二色卽是空非色滅空色性自空如是乃至識卽是空非識滅空識性自空此等五蘊若解了者是爲入不二法門般若波羅蜜多經云舍利子問尊者須菩提言若菩薩摩訶薩修行般若波羅蜜多時云何能知善巧方便須菩提言尊者舍利子若菩薩摩訶薩修行般若波羅蜜多時不行色不行受想行識不行色有相乃至不

行受想行識有相不行色非常非無常非苦非樂非
我非無我非寂非動非空非不空非相非無相非願
非無願非離非不離如是乃至不行識非常非無常
乃至非離非不離五蘊如是所有界處緣生菩提分
法神通波羅蜜多力無畏無礙解不共佛法等乃至
非離非不離而悉不行何以故尊者舍利子色不異
空空不異色色即是空空即是色乃至識不異空空
不異識識即是空空即是識如是界處緣生乃至不
共佛法不異空空不異不共佛法不共佛法即是空
空即是不共佛法菩薩摩訶薩若如是修行般若波

羅蜜多是即能知善巧方便而被菩薩於般若波羅
蜜多亦不念我行不念我不行不念我亦行亦不行
不念我非行非不行何以故無性自性即是般若波
羅蜜多故此經又云佛言憍尸迦善男子善女人宜
說般若波羅蜜多時或有誹謗般若波羅蜜多者何
等是爲誹謗般若波羅蜜多耶所謂若說色是無常
是苦無我不淨如是受想行識及界處禪定無量無
色定念處正勤神足根力覺道聖諦無所畏無礙解
不共佛法乃至一切相智是無常是苦無我不淨若
如是行是行般若波羅蜜多作此說者是爲誹謗般若

若波羅蜜多何等是不謗般若波羅蜜多謂若說言
善男子汝修般若波羅蜜多時勿觀色無常勿觀色
苦無我不淨乃至一切相智亦復如是何以故色自
性空故若色自性空是卽般若波羅蜜多若般若波
羅蜜多中無色爲常可得彼色如是無所有故況復
若常若無常而可得耶受想行識乃至一切相智亦
復如是作此說者是卽不謗般若波羅蜜多又若說
言善男子汝修般若波羅蜜多時勿謂有法而可過
越勿謂有法而可安住何以故般若波羅蜜多於一
切法中無所有故若法不過越無所住卽一切法自

性皆空若法自性空卽法無性若法無性是卽般若
波羅蜜多此般若波羅蜜多中卽無有法若出若入
若生若滅如是說者是卽不謗般若波羅蜜多又須
菩提白佛言世尊般若波羅蜜多云何有所得云何
無所得佛言須菩提若法有二卽有所得若法無二
卽無所得須菩提言世尊云何爲二佛言須菩提眼
色爲二意法爲二乃至菩提佛法爲二須菩提言
世尊有所得是無所得耶無所得是無所得耶佛言
須菩提非彼有所得是無所得亦非無所得是無所
得須菩提若有所得若無所得而悉平等此卽是爲

無所得復次須菩提言世尊豈不住勝義諦中證阿
耨多羅三藐三菩提果耶佛言不也須菩提言住顛
倒法中耶佛言不也須菩提言若不住勝義諦中又
不住顛倒法中成正覺者豈非如來不證菩提果耶
佛言須菩提我證菩提果然於有爲界中無爲界中
悉無所住又復佛言須菩提我不能以無性中無性
而成正覺須菩提言世尊豈不以有性中無性能成
正覺不佛言不也須菩提言若以無性中無性能成
正覺不佛言不也又須菩提我於金剛般若波羅蜜
多經中曾謂汝言須菩提於汝意云何如來得阿耨

多羅三藐三菩提耶如來有所說法耶須菩提言如
我解佛所說義無有法如來得阿耨多羅三藐三菩
提亦無有法如來可說何以故若有法如來所說者
彼不可取不可說非法非非法所以者何一切賢聖
皆以無爲法而有差別如來但爲化度有情故以善
方便開種種門宣說如是甚深正法

大乘寶要義論卷第八

音釋

罽索

罽姑注切網也索蘇各切繩也

闍闍

闍胡頭切市垣也闍胡對切市門也燔約

炬也

火切

酤

古胡切

盃

子感切

盥

古玩切澡手也

躡

必益切

躡

仆也

浙江嘉興府楞嚴寺般若堂庚子年餘費刻此

大乘寶卷第八計字七千六百十

該銀四兩四錢

順治十八年十月 日徑山比丘徹微印開識

大乘寶要義論卷第九

第十卷

宋三藏朝散大夫試鴻臚少卿光祿大師惟淨等奉詔譯

如入楞伽經中大慧菩薩問如來藏佛言大慧何故汝今問於如來自性明亮清淨本來清淨如是之說如來具三十二相在一切有情身中如無價寶為弊垢衣之所纏覆蘊處界衣纏覆亦然彼貪瞋癡不實計執此之垢染是無常法是不堅牢是不究竟大慧白佛言世尊外道所說神我是常我能造作離繫自在而來藏語以外道說神我是常我能造作離繫自在而永不滅彼說如是神我之語佛言大慧外道我語不

可等比如來藏語大慧然我所說實際涅槃無生空
無相無願等諸句義如來應供正等正覺爲諸愚者
令離無我驚怖之法故以方便說無分別無所對礙
如來藏門此中亦非未來現在諸菩薩摩訶薩著我
所作大慧譬如窞師取土成泥用水及繩并其工具
勤力所作成種種器如來亦復如是住法無我離分
別相故以種種勝慧方便善巧相應或說如來藏或
說無我法以多妙巧文句言詞譬喻而說以是緣故
外道我語不可等比如來藏語大慧又我所說如來
藏語但爲降伏諸外道輩執我語者故以方便說如

來藏如是等輩何故意樂墮在無實主宰計執見中
若於三解脫門意樂具足卽能速證阿耨多羅三藐
三菩提果以是義故如來應供正等正覺所說如來
藏法與外道我語不可等比是故大慧爲令外道離
諸見執使其當得隨順如來無我藏法此所宣說是
謂無上成就究竟之法是謂諸菩薩空無生無二無
自性法是謂甚深之法若有宣說及受持者卽能普
攝一切大乘經中甚深之義何以故此甚深法於一
切法一切經中攝故此經又云大慧此空無生無二
無自性相普攝一切諸佛及一切經典故月燈三昧

論
大聖賢聖論卷第九
二
三十一

經中如來說偈云

三千大千世界中

我所宣說諸經典

種種文句皆一義

故復不能周徧說

乃至一切諸如來

及廣宣說多種法

於一句中修學已

一切修習得成就

一切諸法皆空性

若人於義明解了

此句義中學所成

而諸佛法不難得

於甚深法能信解

獲得一切勝福生

諸有世間出世間

辦所作事至成佛

寶授經云復次妙吉祥若菩薩經百千劫善修六波

羅密多具善巧方便若有人於此正法勤求聽受者
比前福蘊此復倍多何況以無所求心聽受書寫爲
他廣說金剛般若波羅密多經云佛言須菩提於汝
意云何歿伽河中所有沙數彼一一沙爲歿伽河是
諸河中所有沙數寧爲多不須菩提言諸歿伽河尚
多無數何況其沙佛言須菩提我今實言告汝若善
男子善女人於諸歿伽河中所有沙數如是沙等世
界以七寶滿爾所世界持用布施諸佛如來是善男
子善女人以是緣故得福多不須菩提言甚多世尊
甚多善逝佛言須菩提若有人於此正法乃至受持

一四句偈爲他說者其福勝彼梵王問經云仁者若善男子善女人於如來所樂修福事者應當於此正法聽聞信解及受持等卽能獲得色相富盛廣多眷屬於法自在人天之中受諸快樂舍利子說般若波羅蜜多經云舍利子白佛言世尊若復有人得聞說此般若波羅蜜多聞已信解者是人卽於菩提得不退轉慈氏菩薩言世尊若有聞說此般若波羅蜜多聞已信解者是菩薩卽得近佛果位妙吉祥菩薩言世尊若有聞說此般若波羅蜜多聞已信解者見是菩薩當如佛想一切罪染惡作而悉解除一切業障

皆得清淨於甚深法能生勝解如來藏經云佛言迦葉最極十不善業者所謂一者假使有人緣覺爲父而與殺害是爲最極殺生之罪二者侵奪三寶財物是爲最極不與取罪三者假使有人阿羅漢爲母而生染著是爲最極邪染之罪四者或有說言我是如來等是爲最極妄語之罪五者於聖衆所而作離間是爲最極兩舌之罪六者毀訾聖衆是爲最極惡口之罪七者於正法欲雜飾爲障是爲最極綺語之罪八者於其正趣正道所有利養起侵奪心是爲最極貪欲之罪九者稱讚五無間業是爲最極瞋恚之罪

十者起僻惡見是爲最極邪見之罪迦葉此等是爲
十不善業皆極大罪迦葉若一有情有如是罪具行
十不善業者如來卽爲宣說因緣和合之法使令解
入爾時亦無我人有情壽者之想若能解了此法無
作無爲如幻之法離染清淨自性明亮解一切法本
來清淨於一切法淨信勝解者我不說彼有情墮於
惡趣何以故無諸煩惱聚性可得生已卽時一切破
散故知諸煩惱一聚因緣和合所生生已卽滅若起
心遣除而諸煩惱隨卽有生若如是信解者彼復何
有罪之分位無處容受故若言有諸罪障而可住者

無有是處持律優波離尊者問降魔品云汝諸惡魔
云何是苾芻真持律行魔言尊者若苾芻了知一切
法畢竟調伏諸罪本來無前後際離邊際故若犯墮
罪及餘惡作而悉解除勿生堅著以如是法爲他開
示彼之所有五無間罪尚悉蠲除況復少略破戒垢
染解是法律者不爲客塵煩惱所染生出離想知諸
煩惱非內非外亦非中間非離染智能除煩惱離染
之性亦不可遣智者如實觀諸煩惱猶如浮雲風飄
流散隨所向方向適何住又諸煩惱如水中月徧計
影像對現其前又諸煩惱是黑闇境界慧燈光明而

能照破又煩惱賊竊害色相如夜又羅刹若深固作
意如實觀察卽無所住又諸煩惱常伺其便若不深
固作意卽煩惱增長於空無相無願智慧法中卽不
違害又於如是諸煩惱中智者以智於彼染著煩惱
諸有情所對住其前起悲愍心爲說無我無有情法
令其離染此卽是爲真實持律阿闍世王經云佛言
阿難我今實言告汝若有造五無間罪者得聞如是
正法已能生勝解我不說彼人有業及業障阿難以
要言之此所宜說甚深正法應生勝解廣大稱讚歎
於彼彼經中專勤聽受不雜善巧方便菩薩應當如

是勤行說甚深法是故慧及方便二法不離是爲菩
薩相應正法維摩詰經云無方便慧縛有方便慧解
何謂無方便慧縛若菩薩於空無相無願法中調伏
其心不以相好莊嚴佛土成熟有情此卽是爲無方
便慧縛何謂有方便慧解若菩薩能以相好莊嚴佛
土成熟有情於空無相無願法中調伏其心習力勤
行而不疲懈此卽是爲有方便慧解何謂無慧方便
縛若菩薩於諸見煩惱生起隨逐有所住著然復發
起一切善根迴向無上菩提此卽是爲無慧方便縛
何謂有慧方便解若菩薩於諸見煩惱生起隨逐斷

諸有著而發起一切善根迴向無上菩提悉無所取
此卽是爲有慧方便解此等慧及方便二法和合當
知皆是菩薩之行云何是菩薩行所謂非凡夫行非
賢聖行是菩薩行在於生死不爲染汙在於涅槃不
求寂滅是菩薩行雖求四諦智亦不非時取證涅槃
是菩薩行雖觀內空而常思念於三有中示現受生
是菩薩行雖觀無生而不入正位是菩薩行雖攝一
切有情而不染著是菩薩行雖行於空而常勤求諸
相功德是菩薩行雖行無作而勤修一切善行獲得
輕安是菩薩行雖修止觀之行而不畢竟墮於寂滅

是菩薩行雖轉法輪示現大般涅槃而不捨菩薩所
行之行是菩薩行凡如是等皆是菩薩所行之行降
魔經云復次所有諸菩薩摩訶薩最上正行謂卽勝
慧智增上相應若方便智卽普攝一切善法之行勝
慧智者卽無我無人無有情無壽者無孺童等方便
智者卽成熟一切有情之行勝慧智者卽徧攝諸法
之行方便智者卽正法攝受之行勝慧智者卽一切
佛法界無分別行方便智者卽一切佛法尊重供養
承事之行勝慧智者卽一切佛刹如虛空行方便智
者卽一切佛刹功德莊嚴之具清淨淨莊嚴之行勝

慧智者卽一切賢聖修無爲行方便智者卽於一切師尊所起尊重心施作種種作用之行勝慧智者卽觀察佛身無漏之行方便智者卽修佛相好之行勝慧智者卽觀察一切行無生無起之行方便智者卽常思惟於三有中示現受生之行無盡意經云何等是爲菩薩方便復何等是菩薩勝慧所謂若入定時起大悲所緣深固之心觀察有情此卽方便若於定中住寂徧寂此卽勝慧若入定時起大悲心隨順佛道此卽方便若無所有依止觀察此卽勝慧若入定時觀察普攝彼一切法此卽方便若觀法界無所分

別此卽勝慧若入定時佛身莊嚴所作現前此卽方便若觀察法身分位此卽勝慧維摩詰經云佛言慈氏菩薩有二相一者信樂雜句文飾二者不畏甚深之法如實解入是爲二相若菩薩信樂尊重雜句文飾者當知是爲初學菩薩若復於此清淨甚深經典普攝種種文義差別之門聽受宣說生勝解者當知是菩薩久修梵行復有二法是卽初學菩薩爲自毀傷不於甚深法中調伏其心一者於昔未聞甚深經典聞已驚怖生疑亦不隨順返生輕謗作如是言我昔未聞此法從何所來二者於大法器宣說甚深法

論
大乘寶要義論卷第九
者善男子所不樂親近亦不尊重或時於中密說其
過是爲二法復有二法菩薩雖信解甚深之法亦自
毀傷不能速證無生法忍一者輕毀初學菩薩不爲
攝受不爲決擇復不教誨二者雖信解甚深之法而
不習學亦不尊重不行財施法施攝受有情是爲二
法此中應知若諸有情解入諸佛菩薩大威德力斯
極難得何等是爲菩薩大威德力維摩詰經云維摩
詰言大迦葉所有十方世界現作魔王者皆是住不
可思議解脫菩薩以善方便成熟有情故現魔相又
十方世界或有菩薩從其求乞手足耳鼻血肉筋骨

頭目身分妻子奴婢人民國邑象馬車乘凡如是等
或來求者皆悉給施菩薩以如是相故行逼迫此等
皆是住不可思議解脫菩薩迦葉譬如龍象蹴踏非
驢所堪凡夫亦復如是不能如是逼迫菩薩而菩薩
者乃能如是逼迫菩薩

大乘寶要義論卷第九

大乘寶要義論卷第十

宋三藏朝散大夫試鴻臚少卿光梵大師惟淨等奉詔譯

如華嚴經云法界行願分位宣說菩薩無盡佛種子
界世尊普徧智境界音聲如來從彼剎中來至世尊
釋迦牟尼如來之前出現菩薩威德身相所謂一切
身分一切相好一切毛孔一切莊嚴一切衣服及緣
具等一切菩薩眷屬具足所有世尊大毗盧遮那如
來前際中住過去一切如來後際中住若已受記及
未受記未來一切如來現在十方一切佛刹普徧安
住一切菩薩昔所修習布施波羅蜜多相應先行海

一切受者及所施物皆悉影現一切身相一切毛孔
諸相好等亦悉對現而爲表示又復身諸分位及語
言道一切衣飾衆緣具等而亦對現一一表示又昔
修習持戒波羅蜜多相應先行海又諸忍辱波羅蜜
多示現割截身諸分位相應先行海又諸菩薩加行
精進相應先行海又諸如來廣大靜慮辦事相應先
行海又諸如來轉大法輪法事成辦捨諸所有自在
身相諸門影現一一表示相應先行海又諸如來喜
見諸菩薩道一切世間最上愛樂相應先行海又諸
菩薩諸勝願海增上法門廣大莊嚴相應先行海又

諸菩薩力波羅蜜多諸行成辦清淨相應先行海又
諸菩薩廣大法界一切神變雲廣大所作諸菩薩智
境界相應先行海乘如是等十波羅蜜多影現表示
廣大法界一切廣大諸神變雲來詣佛所於是菩薩
并其眷屬頂禮佛已住於上方化現一切金剛帝寶
心莊嚴藏大樓閣中金剛帝青蓮華師子座上跏趺
而坐現諸寶燄摩尼王網彌覆其上復以三世一切
如來音聲寶王瓔珞垂掛莊嚴頂戴摩尼寶冠現菩
薩身加持而住而此菩薩并其眷屬皆從普賢菩薩
行願出生於一切如來足根門中表現清淨智眼所

觀聞一切如來法輪經中理法音聲勝海普攝一切
菩薩得諸自在及得最上波羅蜜多一切如來皆悉
雲集於刹那刹那中廣現神變出現諸有情身廣大
境界一切如來衆會道場身中光明顯照一切世界
於一世界中普攝影現諸境界相如微塵聚所有一
切有情善根成熟應化度者而悉應時能來應現一
切如來轉法輪雲一切毛孔吼音境界一切世界普
徧一切善根出生生已卽時諸有情身皆悉平等一
切方分雲海一心刹那廣現神變此經又云菩薩大
威德力者爾時善財童子諦觀普賢菩薩身相乃見

菩薩一一身諸分位一一身諸分位分明一一界體
一一界體細分分明一一身分各別分位一一身分
各別分位分明一一依聚一一依聚分明一一毛孔
一一毛孔分明現此三千大千世界所有風火地界
并大海洲渚江河寶山及須彌山鐵圍山等國土城
邑聚落方處樹林宅舍并諸人民地獄餓鬼畜生之
趣阿脩羅界龍界迦樓羅界人界天界及其梵界欲
界色界無色界是諸境界悉以神力加持而住乃至
形色顯色雲電星宿晝夜圓半月時年分住劫壞劫
現劫是等此世界相已所有東方一切世界亦如是

觀南西北方四維上下一切世界如應對現所觀亦
然又諸佛降生衆會道場及有情等所有此娑婆世
界前際中住過去一切世界一切互相皆見普賢菩
薩一一身中大人之相并諸佛降生一切菩薩衆會
道場及有情舍宅晝夜劫數等如是後際中住未來
一切世界佛刹等普徧一切亦然皆見如此娑婆世
界前際後際中住一切世界一切互相見諸影相如
是十方前際後際中住一切世界一切皆見普賢菩
薩一一身中大人之相一一毛孔中一一分明互相
無雜皆見普賢菩薩在世尊大毗盧遮那如來之前

坐於大寶蓮華藏師子座上現遊戲神通時此東方
蓮華吉祥世界賢吉祥如來見此所現遊戲神通東
方如是普徧十方一切世界亦然皆見一切如來足
根門中各有普賢菩薩坐於大寶蓮華藏師子座上
現是遊戲神通如其十方一切世界悉見一切如來
足根門中有普賢菩薩坐於大寶蓮華藏師子座上
現是遊戲神通時如是普徧十方一切佛刹如微塵
數一一微塵數皆是廣大法界佛會道場悉見一切
如來足根門中有普賢菩薩坐於大寶蓮華藏師子
座上現是遊戲神通時一一身相悉得三世一切所

緣影相表示所有一切刹土一切有情諸佛降生諸
菩薩衆會道場影現表示時普聞一切有情語言一
切佛音聲一切如來轉大法輪一切宣說教授神通
變化一切菩薩集會諸佛遊戲境相音聲此等總略
如其所說當知皆是菩薩摩訶薩大威德力此中應
問何等是如來大威德力如菩薩十地經云解脫月
菩薩問金剛藏菩薩言佛子諸菩薩行境界如是加
持神力尚復無量云何能入如來行境界耶金剛藏
菩薩言佛子譬如有人於四大洲世界之中取小石
塊若二若三如豆之量作如是言大地世界頗有過

於此耶或無量耶說是語者如汝今時以諸如來應
供正等正覺無量智法與菩薩法而相等比佛子四
大洲世界如所取者豆量石塊而極少分餘無有量
如來境界亦復如是且法雲地菩薩所有功德經無
量劫猶尚不能說一少分何況如來無量智境佛子
我今實言告汝於如來前爲我作證假使十方無邊
世界如微塵等一切佛刹證菩薩地者其數充滿如
稻麻竹韋甘蔗叢林彼等菩薩經無邊劫宣說開示
如來所有一智境界百分不及一乃至俱胝那由他
百千分不及一譬喻分亦不及一入如來功德智不

思議境界經云佛言妙吉祥今此會中或有有情謂
佛如來初始出家或謂久已出家或謂修諸苦行或
坐菩提場成等正覺或破諸魔軍或梵王帝釋護世
勸請轉大法輪或聞宣說聲聞乘法或說緣覺乘法
或說大乘之法或觀佛身高一尋量或見佛身高一
俱盧舍或見佛身高顯過諸由旬百千數量或見佛
身如真金色乃至或見如摩尼寶色或見如來寂靜
身相或見如來入涅槃相或見如來一聚身相或見
分布如來舍利或謂十年成等正覺或謂十年入大
涅槃或謂有於世尊釋迦牟尼如來教中得圓滿者

或隱沒者或謂若十二三十四乃至百千俱胝
那由他劫入大涅槃或謂世尊釋迦牟尼如來於不
可說不可說劫成等正覺妙吉祥於如是等差別之
相如來悉非分別非離分別而佛如來以無發悟無
分別法常隨有精心作諸行相菩薩十住經云佛言
妙吉祥有多種說者如有大池縱廣正等五十萬由
旬池岸平坦池水清甘復有蓮華徧覆池內若或有
人以鐵所成千輻輪車而以駿馬勝迦樓羅迅疾勢
者而駕馭之其車行得不著池水馬跡亦復不踐蓮
華妙吉祥如來亦復如是乘於大車遊彼大池中有

毒蛇鼓水騰踊若刹那間而彼毒蛇隨車後轉其車
卽時七返右旋若復毒蛇隨波大車一返右旋其車
卽時右旋無數如阿難等諸大苾芻說法亦然有時
阿難說十種法表示其義若復阿難說一種法卽時
舍利子說十種法表示其義若復舍利子說一種法
卽時大目乾連過八萬世界若復大目乾連過一世
界卽時如來於十方法界最上自在越虛空際徧徧
一切世界海一一世界一一洲渚一一凡夫道中示
現從兜率天宮沒下人降間入胎住胎出胎梵王帝
釋承接沐浴莊嚴周行七步觀察十方作師子吼習

學一切工巧技藝明論事業現處太子之位於王宮
中嬉戲娛樂遊賞園林出家苦行食乳糜粥已詣菩
提場坐成正覺摧伏魔軍觀樹經行大梵天王請轉
法輪入忉利天宮等國土分量劫名次次第威德身相
壽量多少衆會莊嚴佛刹清淨教法莊嚴發菩提心
修諸行願成波羅蜜多圓滿諸地神通智忍具總持
三摩地諸解脫門如來無量諸供養事無量如來及
菩薩法境界無量法雲廣大所行分量成熟有情方
便分位差別之量起大遊戲神通變化示現一乘大
般涅槃分布舍利分別教法住時久近及法滅時皆

從如是大法池中之所出現又復於諸外道所修行
處及一切有情所應作事如來以無發悟無分別心
同時悉現於後邊際究竟分位勤勇示現凡如是等
刹那俱時十方一切一一自身毛孔之中所有徧諸
方分三世一切如來及諸菩薩衆會之海廣大一切
佛刹功德莊嚴諸有情聚舍宅宮室廣大莊嚴諸有
情聚眼耳鼻舌身意處廣大施設諸菩薩行皆悉積
集廣大莊嚴一切如來境界廣大莊嚴如是等相如
來俱時以無發悟無分別心徧示現於後邊際究
竟勤勇刹那俱時普攝一切十方世界乃至凡夫道

中有盡無盡無復遺餘諸有情界一切有情一一有情各各身相形色顯色音聲語言譬喻說法凡如是等分量差別如來俱時以無發悟無分別心普徧示現隨諸有情別別心意於後邊際究竟動勇隨應表示隨所施作妙吉祥譬如白月十五中夜之時徧閻浮提一切男子女人童男童女各各現前觀月輪相而彼月輪悉無分別如來亦復如是以無發悟無分別心作諸行相由成就就不共佛法故隨有情心意隨應化度一切有情各各現前普觀如來而如來心亦無分別是故當知若有分別若無分別諸佛如來悉

無發悟而成就就不共佛法故隨應施作一切行相此中應知諸廣大甚深經中而獨顯說諸佛菩薩大威德力若有人能深信解書寫讀誦尊重供養者是人獲福廣大無量此經又云佛言妙吉祥譬如須彌山王勝出衆山顯照殊妙亦高亦廣而復最大妙吉祥若菩薩信解此正法者亦復如是勝出一切菩薩摩訶薩以十方一切世界如微塵等諸菩薩衆若於此正法生信解者所有五波羅蜜多出生善根於阿僧祇劫中而能積集顯照殊妙亦高亦廣而復最大妙吉祥若善男子善女人所有十方一切世界一切

有情而悉勸令發菩提心復有善男子善女人信樂無餘依涅槃者此所獲福比倍於前不可數量妙言祥正使善男子善女人普令一切有情信樂無餘依涅槃若復善男子善女人於此正法能生信樂若自書寫若令他書寫若自讀誦若令他讀誦乃至但能信樂受持以香華燈塗等諸供具而供養之此所獲福比倍於前不可稱數

大乘寶要義論卷第十



音釋

窳

余昭切陶窳也

僻

匹亦切邪僻也

竊

千結切私也

蹴

七六切躡也

踏走合

駿

祖峻切良馬也

駕

駕居切馭牛倨切

馭

馭牛倨切

馭

馭牛倨切

浙江嘉興府楞嚴寺般若堂庚子年餘貲刻此
大乘論卷十計字六千九百一十一
該銀四兩正
順治十八年十月 日徑山比丘徹微印開識

980 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

論

天壽堂 聖壽齋 卷第一

五

五



大乘論卷十 有字六千六百十一
佛土壽與劫對照寺娘昔堂東壬羊翁黃板出

世與出 風反 濕出 驚 濕 思 十 哥 世
觀我合 變 耶 刻 世 驚 又 驚 岳 荷 世

有 擊 寄 余 湖 世 湖 四 木 世 露 干 詠 世 觀 世 觀 世 六

十ノ廿六

大正十一年張義新卷第一